

სახელთათ
განმარტველი

სხეული
თხეულეძანი
თხეულეძანი


2

სახელმწიფო გამოქვედლობა
„სახელოთა სხეულოთა“
თბილისი
1960

სახელთათ
განმარტველი

ფოძი
I
ხეულეძანი
2

სახელმწიფო გამოქვედლობა
„სახელოთა სხეულოთა“
თბილისი
1960



მოქმედა პირველი

ნათლული, სამხედრო მინდვრის კარავი. გუშავი მღერის, გამოდის უზბაში, უკან გაოფლიანებული ქიტელა მოხუცი, ქუდმოხდილი, ვაჟით, ხელში საგზალით და ღვინის დოქით, იესე უზბაში, ქიტელას ტუქსავს.

მოქმედი პირნი

- ერეკლე მეფე — მფლობელი ქართლ-კახეთისა
- სოლომონ ლეონიძე — კანცლერი
- აღა-მაჰმად ხან — მფლობელი ირანისა
- დავით ბატონიშვილი } გიორგი მეცამეტეს შვილები
- იოანე ბატონიშვილი }
- თეიმურაზ ბატონიშვილი — გიორგისა და მარიამის შვილი 10 წ.
- რევაზ ციციშვილი — მდივანბეგი
- იესე უზბაში
- ქიტელა — ერეკლეს ძველი მეომარი
- მალხაზ — ქიტელას შვილიშვილი
- გუშავი, იგივე შიკრიკი
- ზურაბ წერეთელი — სარდალი იმერელ ლაშქრისა
- ოთარ ამილახვარი — სარდალი
- თედო გათენაშვილი
- გელა, თედოს ვაჟი
- ხუდია ბორჩალოელი
- ვახტანგ ორბელიანი — ერეკლეს ქეშიკი მცველი
- ჯაფარ-ყული-ხან — ძმა აღა-მაჰმად-ხანისა
- ალი-ყული-ხან — სარდალი
- ალი-სადუხ-ბეგი — ყარაბაღელი
- აღალო — სომეხი ხელოსანი
- სქელი მოქალაქე — დარჩო
- ელჩი — აღა მამედ-ხანისა
- რუსის ოფიცერი
- ხევსურნი — არაგველნი
- ხევსბერი
- ფანოზაშვილი — სოვდაგარი
- დარეჯან დედოფალი — ერეკლეს მეუღლე
- მარიამ დედოფალი — გიორგის მეუღლე
- ქეთევან — დედა ვახტანგისა
- თეკლე ბატონიშვილი — ერეკლეს ქალი
- როდამ — ქეთევანის ქალი
- სპარსელთა ჯარი, ქართველთა ჯარი, ხევსურები, იმერლები, ქართლები, კახელები და მოქალაქენი.

იესე — არ შეიძლება აგრე, შვილოსან, არ შეიძლება! ჩვენმა ბატონმა, ერეკლე მეფემ, იმიტომ კი არ მოსპო „ნოქარი“ და მორიგე ჯარი დააწესა, რომ როცა თქვენ მოგეპრიანებათ, მაშინ ემსახუროთ მეფეს და ხალხსა.

ქიტელა — იესე ბატონო! მაგას რად ბრძანებთ, შენი ჭირიმე? ხალხისა და მეფის სამსახურს როდის გავქცევით, ახლა გავქცევ?

იესე — დღეს რომ ერთს ასწავლი, ხვალ მეორე მოდის! ჯერ ერთი ვერ გავიწვრთნია, ზეგ მესამეს თავიდან უნდა დაუწყო ჩიჩინი! შენ რა გიჭირს, შვილოსა, ერთი დოქი ღვინითა და ცივად მოხარშული დედლით გინდა ვალი მოიხადო. ჩვენ ბატონს, მეფე ერეკლეს, თვალი როგორღა გავუსწორო? ერთს გადმოხედავს, ი დალოცვილი, და ენა მუცელში ჩაგივარდება.

ქიტელა — ღმერთმა აკურთხოს იმისი თვალი და იმისი მარჯვენა! იმით უდგია საწყალ კაცს სული.

იესე — (ფეხი მოირთხა კარავის წინ. გაშალა ქიტელას მოტანილი საგზალი და ქათმის ბარკალს ღეჭვა დაუწყო).

რა გქვია, ბიჭო, შენ?

მალხაზი — მალხაზი, შენი ჭირიმე!

იესე — მოდი აქ! მომართვი ღვინო! (ღვინო დაუსხა). ღმერთო დიდებულო, შენ გაუმარჯვე მტერზე ჩვენს ბატონს, ერეკლე მეფეს! (სვამს).

ქიტელა — აღდეგრძელოს ჩვენმა ხატმა და სალოცავმა.

იესე — ძან ღვინოა! შე დალოცვილო, თუ ჩემი პატივისცემა გინდოდა, ჩაფით მიანიც წამოგელო, თორემ დოქი მეორე ყლუპზედ დაიცლება.

ქიტელა — ეგეც ქალაქელმა ნათლიმამამ აღალომ მომცა, თორემ ჩაფით ღვინო... ვინ მომაშავა.

იესე — დასაწყლდით! დაგლახდით! კარგად გიცნობთ, რაც შვილები

ხართ. ჰოდა ასე, ჯარიმას გაპატიებთ, თუ შენი ბიჭი ხუთ დღიურს მომიხნავს და დამითესავს. კვირაში ერთი თუნგი ღვინო. თანაც, აქვე ტყეში შეშა მოსაჭრელი მაქვს! ათს ურემს მომიჭრით და ქალაქში ჩამიტანთ თქვენის ურმით! მა-მაჩემის, ლუარსაბის სულს ვფიცავ, აქ რომ ბიჭებსა ხედავთ, ერთიორად მეტ პატივს მცემენ. მე შენი ხათრი მაქვს, მო-ხუცო, და ამ მცირედსაც დავჯერდები. რა ვქნა, ქრისტიანი ვარ და მიყვარს ქრისტიანი კაცი.

ქიტელა — დიდი, დიდი შეღავათია, შენი კვნესამე!

იესე — შენ ბიჭს შინაურ საქმეზე დავსაქმებ შაბათ-კვირებსა.

ქიტელა — შენი წყალობა ნუ მოგვაკლოს, ჩემო ბატონო!

იესე — წისქვილში საფქვავე წაიღე, ჩვენები დიდხანია უნა-ფქვოდ არიან.

ქიტელა — მართალი უთქვამთ ჩვენს ძველებსა: მადა ჭამაში მო-ღისო!

იესე — მაშ, შვილოსან! ვინც შრომობს და ოფლსა ღვრის, იმას მადაც კარგი აქვს და ღმერთმაც შეარგოს. სამოცდა ხუთს გადავცილდი და ქვეყნის და მეფის სამსახურში ვარ. ერთი დღე არ დამისვენია. ახლა არ იტყვი, რამდენ ომში, რამდენ მტრისთვის კისერი მომიგრებია? ერეკლეს აკი იმიტომაც ბევრჯერ უთქვამს ჩემთვის: შენ რომ არ მყავდე, ჩემს გვირ-გვინს ერთი მარგალიტი მოაკლდებოდა, ის მარგალიტი მთელ სახელმწიფოდ ეღირებოდაო! იცით, აზატ-ხანი ვინ იყო? მე რომ დავჭყვივლე და ბიჭები წავეუსიე, თვალის დახამხამე-ბაზე აზატ-ხანის ბანაკი მიისრის-მოისრისა... ამიტომ ერეკ-ლემ მხარზე ხელი დამკრა და მითხრა: შაბაშ, ვაჟკაცი შენ ყოფილხარო. (ამასობაში დედალი შეჭამა და ღვინო გადაკრა). ასე მტერი დაგეცალოთ!

ქიტელა — იმ ბრძოლაში მე თვითონ იქ ვიყავი, იესე ბატონო!

იესე — მერე, სად იყავ?

ქიტელა — ერეკლეს გვერდით გახლდი.

იესე — ნუ სულელობ!

ქიტელა — მართალს მოგახსენებ. და შენ, არ მახსოვს...

იესე — შენ ეს არ გახსოვს, რომ აზატ-ხანი დამარცხდა?

ქიტელა — ეგ როგორ არ მახსოვს, როცა მე, აი, ეს მკლავი დამიშავდა, მაგრამ არ მახსოვს, რომ შენ...

იესე — ჩუმად, შე ქოფაკო... თუ სამსახური გინდათ, ერთგულად უნდა მემსახუროთ და ენაც უნდა დაიმოკლოთ! ისე უნდა მემსახუროთ, როგორც მე ვემსახურები ჩემს მეფესა და ჩემს

ღმერთსა, კურთხეულ იყოს სახელი მისი.

მალხაზი — ღმერთმა დაგვიფაროს მაგნაირი სამსახურისაგან, პაპავ, აქ სად მომიყვანე? ამან უნდა გვასწავლოს მეფისა და ხალხის სამსახური?

ქიტელა — იყურე, ბალო! განა ვერ ხედავ, მეფემ სამასპინძლო გაგვიუქმა და იესე უზბაშმა კვლავ დაგვიწესა?!

იესე — შენ, ეი, ქოფაკო, რაებს მიქარავ?

ქიტელა — მართალს მოგახსენებ, შენი კვნესამე! ომი უშენოდ არც ყოფილა და არც იქნება, მეფე უშენოდ არც ყოფილა და არც იქნება, სიცოცხლე უშენოდ არც ყოფილა და არც იქნება! საქრისტიანო შენთვის ჩაუბარებია მეფესა და ჩვენს ბატონსა და შენს წესსა და შენსა კანონს, თავში ქვა უნდა ვიცეთ და დავემორჩილოთ... სხვა, აბა, რა ვქნათ!

იესე — ვის უბედავ მაგას, შე წუწკის შვილო? უმადლე დღევანდელ ჩემს კეთილ გუნებას, თორემ მაგ დაცხავებულ ტყავს გაგაძ-რობდი და ძაღლებს მიუფუგდებდი შესაჭმელად.

მალხაზი — პაპას ხათრი, თორემ მე ვიცი შენი საკადრისი!

ქიტელა — თფუ! შევარცხვინე შენი გვარიშვილობა!

იესე — მამა არ წამიწყდება, თავს მომაკვლევინებთ, თქვე ღორი-შვილებო.

მალხაზი — ნეტა არ მინდა ადგებოდე...

ქიტელა — ჩუმად, ბალო!

მალხაზი — პაპა, შენი ჭირიმე, ერთი გამიშვი!

ქიტელა — არ გაბედო! ოღონდ მეფე დღეგრძელი გვეყავდეს, მაგის მკურნალი მალე გაჩნდება. ერეკლეს ხელში თათრობა არავის შერჩენია, იესე უზბაშო, და არც შენ შეგვრჩება.

გუშაგი — (ამ დროს გულგახეთქილი შემოვარდება). იესე ბატონო, ერეკლე მეფე მობრძანდება! (უზბაში დაიბნევა, ბუზღუნით).

იესე — ერეკლე? რამ ამოიყვანა ქალაქიდან ამ სიცხე-პაპანებაში? არც თვითონ ისვენებს, არც სხვას ასვენებს. არიქა, ბიჭო, მილაგ-მოალაგე აქაურობა.

(გაიქცევა შესახვედრად. „მორიგეები“ მილაგ-მოალაგებენ, ფარდას გაშლიან. ჩამწყვრივდებიან. სულ ბოლოში, უკან, ქიტელა თავისი შვილიშვილით. შემოდის ერეკლე, დავით და იოანე ბატონიშვილებით. ერეკლემ თვალი მოჰკრა უკან მწყვრივში მდგარს ქიტელას და მისკენ გაემართა).

ერეკლე — უზბაშო, ვხედავ, პატივში არა გყავს ჩემი ძველი მეომარი.

იესე — მე... მე...

ერეკლე — ჩემო ქიტელა, ვხედავ, ჩემზე მეტად შემოსილხარ ჭადარით.

ქ ი ტ ე ლ ა — მეფევე ბატონო, შენ იღლეგრძელე, შენი ჭაღარა მაინც ჩვენი იმედი არის.

ე რ ე კ ლ ე — დავით! იოანე! მოდი აქ, შვილო! ამ ჭაღარას უთხარით გამარჯვება! ის, თავის მეფესთან ერთად, მუდამ მტერზე გამარჯვებული იყო... ბატიოსანი, ერთგული და თავდადებული მეომარია ჩემი! სამი შვილი შესწირა ქვეყანას — სამი ვაჟკაცი.

ქ ი ტ ე ლ ა — ჩემს შვილებს სულით განათლება არ მოაკლდებათ, რაკი შენ ისინი არ დაგვიწყებია.

ე რ ე კ ლ ე — რამდენი ჭრილობა გაქვს მიღებული, ქიტელ?

ქ ი ტ ე ლ ა — ვგონებ, ცამეტამდე დაითვლება.

ე რ ე კ ლ ე — ჩემს შვილიშვილებს უამბე, როგორ მოგიხდა ბრძოლა ყვარლის ციხესთან.

ქ ი ტ ე ლ ა — დიდი ხნის ამბავზე მკითხავ, შენი ჭირიმე! მრავალი ბრძოლა გარდავიტანეთ და შენი მიკვირს, რომ შენი ქვეშევრდომის საქმეც ასე დაგხსომებია.

ე რ ე კ ლ ე — ვისაც სიკეთე ავიწყდება, ის მხოლოდ ბოროტს მოიმიკის. დიახ, მრავალი ბრძოლა გარდავიტანეთ, ჩემო ქიტელ, და აი, დღესაც ომის მოლოდინში ვართ.

ქ ი ტ ე ლ ა — მიტომ მოგართვი ჩემი შვილიშვილი! აი ეს! სულით განათლებულმა შენმა ლევანმა მომიწათლა...

ე რ ე კ ლ ე — ჩემმა ლევანმა?.. მოდი აქ! შენ ჩემი შვილის ნათლული ყოფილხარ... ჩემს შვილს შენ ხელში სჭერიხარ. (ქისთ ფულს აჩუქებს). ქიტელ, შენმა მოხუცმა მეფემ ვერ მისცა ხალხს მშვიდობა და მოსვენებით ცხოვრება და განა ღირსი არ არის, რომ ასეთს მეფეს ხალხი უმადური ყავდეს?

ქ ი ტ ე ლ ა — უმადური იქნება ხალხის მტერი და ორგული! არა, მეფეო, შენს ხმაზე სწერია ჩვენი ხალხის ბედნიერება.

ე რ ე კ ლ ე — უზბაშო! აბა, ახლა მიჩვენე როგორ ასწავლე მიზანში სროლა! ხომ ზუსტად ესვრიან, უზბაშო?

ი ე ს ე — ბეწვს არ გააცდენენ.

ე რ ე კ ლ ე — ნიშანში დადე შენი ქუდი! (იესე გაშრა). იესე, გადათვალე ორმოცდაათი და იქ დადე! უზბაშო! რამდენი ნაბიჯია ნიშნამდე?

ი ე ს ე — ორმოცდაათი, დიდო ბატონო!

ე რ ე კ ლ ე — იქნებ მატყუებს მოხუცს თვალი?

და ვ ი თ ი — პაპა, ორმოცდაათზე მეტი არ იქნება!

ი ე ს ე — ბატონო, თქვენს თავს ვფიცავ, ორმოცდაათია!

და ვ ი თ ი — პეტრეს ქალაქში კაცის ფიტულს ვხმარობდით ორმოცდაათ ფეხის ნაბიჯზე არტილერიის სასწავლებელში.

ხ მ ა — შზად გახლავთ, ბატონო.

(ესვრიან. ვერ ვართყვან).

ი ო ა ნ ე — ორმოცდაათი ნაბიჯია, მაგრამ ვერც ერთმა მაინც ვერ ვართყა.

ე რ ე კ ლ ე — მომეცით თოფი! მე უზბაშს დავუმტკიცებ, რომ ჩემი თვალი ორმოცდაათ ნაბიჯზეც ვართყვებ მის სიცრუეს.

ი ე ს ე — შემობრალე, მეფევე მწყალობელო!

ე რ ე კ ლ ე — რად ჩქარობ, უზბაშო! ნადრე ვად მთხოვ შებრალებას, თუ მოვართყვი მიზანს, მაშინ მთხოვე, რომ გაპატიო და თუ ასცდა, მაშინ თვითონ გთხოვ მოტევებას.

ი ე ს ე — მეფეო, შენს თვალს და მარჯვენას არაფერი დაუმაგრდება.

ე რ ე კ ლ ე — უჰ, უზბაშო, ახლაც მატყუებ! შენ თუ ეს გწამდა, რატომ იცრუე მეფის წინაშე?

ი ე ს ე — მოვხუცდი, გაგსულელდი, მე უბედური!

ე რ ე კ ლ ე — აბა, ვენდოთ მოხუცის თვალს და მის მარჯვენას.

(დაუმინჯა, ესროლა).

ხ მ ა — მოხვდა, ბატონო.

ი ო ა ნ ე — არ გქონია ბედი, უზბაშო!

ე რ ე კ ლ ე — მოიცა, შვილო! ამ კაცის ბედი ჩემს გასროლაზე ჰკიდია! ნუ ავჩქარდებით, შევამოწმოთ, მოხვდა ნამდვილად, თუ არა.

მ ა ლ ხ ა ზ ი — (შემოვარდება ქუდით ხელში). ქუდი ტყვიისაგან გახვრებილია.

ე ლ ა — გაიხაროს შენმა მარჯვენამ და შენმა თვალმა.

ე რ ე კ ლ ე — ახლა რა ვქნათ, ჩემო უზბაშო? მეფეს თვალწინ რომ ტყუებ, ზურგს უკან უერთგულებ? მე ვიცი შენი ოინები! ანა ეს ხალხი აზნაურის ბეგარისაგან იმისთვის გავანთავი სუფლემ, რომ იესე უზბაშს თავის ყმებად გადაექცია? ამ ბიჭებს ტყავი აქვთ ხელზე გადამძვრალი შენს მინდვრებში მუშაობით, თორემ თუ მე მოხუცმა შევსძელე, განა ასეთ ვაჟკაცებს ორმოცდაათს ნაბიჯზე მიზანში ვართყვებ გაუჭირდებოდათ, რომ შენ ისინი სროლაში გეწვრთნა? ქიტელ ჩემო! ეგ კაცი სოლომონ მსაჯულს მიჰგვარე. მაგას რაც ეკადრება, მან უკეთ იცის.

იესე — (უნდა რაღაც თქვას, მაგრამ მეფის მრისხანე გადმოხედვა გააქვავებს და უსიტყვოდ წელში მოხრილი გაყვება ქიტელას და მის შვილი-შვილს)

ერეკლე — თქვენ კი, ყმაწვილებო, უზბაშად (უჩვენა გუშაგზე) ეს გეყოლებათ.

ყველანი — დღეგრძელი იყოს ერეკლე მეფე!

ერეკლე — რა იყო, ბიჭო, რამ ჩაგაფიქრა?

უზბაში — არაფერმა, დიდო მეფეო!

ერეკლე — ლიტონი კაცი, ნათქვამია, ჭამაშიაც ცოდი არისო! ყოველთვის თითქმის ბრძოლის ბედი მასზე ჰკიდია, ვინც დაიძახა: „ჰკა მაგათაო“ და შეუტია. ასეთ რიგებში ვაჟკაცის ყოლა სასარგებლოა სამულისთვისაც და სარდლისთვისაც. წაიყვა! ორ-სამ დღეში ამ ბიჭებს სროლა ასწავლე.

გუშაგი — დღეგრძელი იყოს მეფე ერეკლე! (მეომრები გადიან).

ერეკლე — ჩემო დავით და იოანე! მომავალი ახალგაზრდებს ეკუთვნის! ახლა შეადარე ეს ხალხი და წელანდელი შენი ნაამბობი. იქ სინამდვილემ ზღაპარს გაუსწრო!

იოანე — რაზედ ბრძანებ, პაპაჩემო?

ერეკლე — წელან რო მიამბე ჰაერსა შინა მროკველი გუნდის შესახებ.

დავით — იმას, პაპაჩემო, აეროსტატი ეწოდება.

ერეკლე — დაე, ეგრე იყოს! მან შეიპყრო ჩემი გული და გონება! ის მონგოლფიერები, საფრანგეთში რომ აფრენილან, არ ემგვანებიან ამ ჩემს უზბაშებს! იცით, მათი საქმე რას მოასწავებს? იგი ქვეყანა მტერზე მუდამ გამარჯვებული იქნება! წარმოგიდგენიათ, მე მყავდნენ მონგოლფიერები და გამიკეთონ ჰაერში მროკველი, ან თქვენებურად, ერთი აეროსტატი! ავფრინდებოდი მალა და მტრის ბანაკს იქიდან დავათვალიერებდი. გავიგებდი: სად სუსტობს, სად ძლიერია. პირდაპირ სასწაულს მოვახდენდი! დიდი საქმე მოუგონიათ, ძალიან დიდი!

ვახტანგი — (შემოდის). სასწრაფო ამბავი, მეფევე ბატონო!

ერეკლე — ვინ არის? რა ამბავია?

ვახტანგი — შუშიდან იბრაჰიმ-ხანის კაცია! თბილისში არ გაჩერდა, სასწრაფოდ მაჩვენეთ ერეკლე მეფეო!

(შემოდის ალი-საღუხ-ბეგ).

ერეკლე — საღუხ-ბეგ!

საღუხ — შენი სიცოცხლე ალაჰმა ბრძანოს! შენი ერთგული იბრაჰიმ-ხანი სალამს გიძღვნის.

ერეკლე — მადლობელი ვარ ჩემი მეგობრის. სხვა რა ამბავია?

საღუხ — ჩემი ენა ათასჯერ წყეული იყოს, რადგან კარგ ამბავს ვერაფერს მოგახსენებს. ჩემმა მბრძანებელმა იბრაჰიმ-ხანმა ალა-მამედ-ხანის კაცები შეიპყრო და მათ ეს ფირმანები წაართვა. ნახე რას ავალებს თავის ძმას, ჯაფარ-ყული-ხანს: „ერევანთან დასტოვებ ოთხ ათასს, ხოლო დანარჩენ ჯარით ჩემს ოც ათასს შემოუერთდები. საქართველოს უნდა დავეცე მოულოდნელად, მოვსპო სრულიად და დავშალო საქართველო, როგორც კალატოზები ხავსმოკიდებულ შენობას შლიან“.

ერეკლე — როგორც ყაჩაღი, მოდის იგი მუხანათურად! მოიპარება, რომ აგვიკლოს მოულოდნელად. საღუხ, მობრძანდი!

(გადიან).

თეკლე — (შემობრბის). ვახტანგ!

ვახტანგი — ბატონიშვილო!

თეკლე — შენ რომ მეჯინიბეს ცხენი დაამალვინე, ცხენი ნემსი ხომ არ იყო, ვერ მეპოვნა? ცხენი ვნახე, მოვახტი და ჰაიდა!

ვახტანგი — მეფემ მიბრძანა, ნება არ მომეცა.

თეკლე — მამამ გიბრძანა, რომ შენ ჩემთვის ნება არ მოგეცა! მეც ხომ შემიძლიან, გიბრძანო და ნუთუ შენ ჩემი ბრძანება არ უნდა შეასრულო? მაგრამ შენ ჩინებული ვაჟკაცი ყოფილხარ და დიდებული რაინდი, რომ შენ ქალს მფარველობა ვერ გაუწიე მეფის წინაშე.

ვახტანგი — ბატონიშვილო, იგი მამაშენია და ჩემი მეფე. სიკვდილს ვარჩევ, ვიდრე მე ერეკლეს სიტყვა შევუბრუნო.

თეკლე — ის რომ სხვა ყოფილიყო და არა ერეკლე, მაშინ რას იზამდი?

ვახტანგი — მაშინ... გეფიცები...

თეკლე — ენა დაგება? ახლა იგონებ თუ რას იზამდი და ვერ მოგიგონია? შენ მხოლოდ მეფის ქეშიკი ყოფილხარ, ე. ი. მეფის მცველი და სხვა არაფერი! მაინც რას იზამდი? ხმალს იშიშვლებდი? შეებრძოლებოდი?... აი, მე ხომ გაგახსენე, სთქვი, თავი მომაწონე, იტრაბახე! შენ გგონია, მე არ დავიჯერებ?

ვახტანგი — ბატონიშვილო, ნუ დასცინი ჩემს წმიდა გრძნობას.

თეკლე — შენ თუ გაქვს რაიმე გრძნობა?

ვახტანგი — მეფის ასულო! უღრმესი არის ჩემი თქვენდამი პატივისცემა!

თეკლე — რა არის ეგ პატივისცემა? მე ბებიაჩემისაგან გამიგონია, რომ მოხუცს და ჩაჩანაკს უნდა პატივისცემაო.

ვახტანგი — არა, ბატონიშვილო! მე თქვენ მიყვარხართ!

თეკლე — ნუთუ მართლა?

ვახტანგი — გეფიცები!

თეკლე — ცოტად გიყვარვარ, თუ ძალიან?

ვახტანგი — თავდავიწყებამდე.

თეკლე — როგორ თუ თავდავიწყებამდე? მამ თავდავიწყების იქით აღარ გიყვარვარ?

ვახტანგი — დიახ, იქითაც, ბატონიშვილო! მე არ დავზოგო სიცოცხლე ჩემი.

თეკლე — ვისთვის?

ვახტანგი — თეკლე ბატონიშვილისთვის.

თეკლე — შენ ხომ სთქვი, ჩემი სიცოცხლე მეფეს ეკუთვნისო.

ვახტანგი — მეფეს ეკუთვნის ქვეყნის ვაჭირვების დროს, დანარჩენ შემთხვევაში...

თეკლე — ეგ კარგად მითხარ! ახლა მეც რომ სამაგიერო გრანობით გიპასუხო, შენ რას მოიმოქმედებ ჩემთვის?

ვახტანგი — მეფის ასულს!
 თუკი ღირს გამხდი ბედნიერების,
 ყოველი ჩემის შესაძლებლობით
 თვალმარგალიტის კოშკი აგიგო,
 ფარჩა-ატლასით იგი შეგიმკო,
 ედემის მსგავსი ბალი გიშენო,
 რომ ნეტარებით სცხოვრობდე მარად
 და ავისრულო, რაც კი ინატრო!
 და თუ დაგჭირდეს დღეგრძელობისთვის,
 ჩემი სიცოცხლეც შენ შემოგწირო!

თეკლე — ეგეც კარგად მითხარ, მაჭრამ, ვგონებ, შენ ბესიკის, ლექსით მეშაირები. (იციანს). ნუ გამიწყურები! მე არ დავცინი! არა, ჩემო ვახტანგ! მე შენ თანაგიგრძნობ, მაგრამ ჩემი პასუხიც მოისმინე.
 ვერ დაგიწუნებ ვერც ზრდილობას, ვერც სიყმაწვილეს, ვერც სილამაზეს, თვალტანადობას!
 ქების ღირსი ხარ და უღრმესი პატივისცემას!
 მაგრამ, ძვირფასო, ხომ შესაძლოა გამოჩნდეს ვინმე უღრო საჩინო და შენზე მეტად შემკობილი თვალტანადობით? ისიც შენსავით ვაჟი იქნება,

მიიღებს ჩემგან მარტოოდენ პატივისცემას!
 ხოლო მე ვისაც ჩემს გულს გადავცემ და სიყვარულით შევუერთდები, ის უნდა იყოს...

ვახტანგი — როგორი? მითხარ!

თეკლე — მას უნდა ჰქონდეს გამოვლილი მტერთან ბრძოლანი და ლამაზ სახეს უმშვენებდეს ჭრილობის დალი!

ვახტანგი — ჭრილობის დალი?

თეკლე — ხომ არ გეწყინა ჩემი პასუხი?

ვახტანგი — შენი პასუხი მე მაქვს დიდი საქმისთვის და თუ მომეცა მე შემთხვევა...

თეკლე — მამ შემომფიცე, რომ ვიდრე საგმირო საქმეს არ მიჩვენებ, მანამდე შენ იქნები ჩემი კარგი მეგობარი და ჩემი ბრძანების ამსრულებელი. რომ შენ ხმა-კრინტს აღარ დასძრავ. შემომფიცე!

ვახტანგი — ვფიცავ...

თეკლე — ეგრე არა! ფიცს ეგრე არ წარმოსთქვამენ. უნდა დაიჩოქო და სამი თითი უშბლზე მიიღო.

ვახტანგი — (იჩოქებს). ვფიცავ.
 (ამ დროს გამოდის ერეკლე და ამ სცენას უტყუროს).

ერეკლე — ვხედავ, ჩემს ასულს ვაჟკაცები გადაურევიან! ვახტანგ, შენ აქ რა ლიტანია გაგიმართავს? თეკლე! მე ხომ ვთქვი, ცხენზე ჯირითს თავი დაანებე-მეთქი.

თეკლე — ჯირითზე უკეთესი რა არის ქვეყანაზე? ამას მირჩევ, თავი დავანებო? კარგი საქმე ხომ შენი მოსაწონიც არის!

ერეკლე — ორბელიანო! შენ ჩემს ბრძანებას ასე ასრულებ?

ვახტანგი — მახატე, მეფეო! მე ბატონიშვილთან რას გავაწყობ, როდესაც დედოფალსაც კი არ ემორჩილება.

თეკლე — დამორჩილება მესმის, მაგრამ არა ისეთი, როდესაც სურვილს და თავისუფლებას უსპობს ადამიანს!

ერეკლე — თეკლა-ბიჭო! შენ თუ ცელქობა არ მოგიშლია და ისე არ მოქცეულხარ, როგორც ბატონიშვილს შეფერის, დაგამწყვდევ ნარიყალას ციხეში და იქ იჯირითე, რამდენიც გენებოს.

თეკლე — დამამწყვდევ? მერე დამწყვდევა შეფერის ბატონიშვილს? საქმე გამიჭირა ამ თქვენმა ბატონიშვილობამ. აჰა, წაიღეთ, აღარ მინდა თქვენი ბატონიშვილობა!

ერეკლე — ჩემო გიჟო! კარგი! კარგი! საღუბ-ბეგ! მამ ასე.... შენ ისეც შენი ბატონის რჩევით იმოქმედებ, ხოლო უთუოდ შე-

ატყობინე: გამაგრდეს იბრაჰიმ-ხანი! ჩვენ მფარველობას გვიწევს დიდი რუსეთი! მარტო არ ვიბრძოლებთ.

ვიდრე ჯარს შევკრებ

და ვიდრე ავშლი საქართველოს კილით კიდემდე,

შვიდი დღე მინდა, მტერი შეჩერდეს.

მტერს გაუძნელდეს ჩქარი წამოსვლა,

სავალი გზები ჩაიხერგოს და მოეჩვენოს.

ვითომ თავდასხმა ჩვენგან წარმოებს.

ვახტანგ! წარუძებ რაზმს!.. მტრის შეჩერება შენ

უნდა შესძლო!

ვახტანგი — ბედნიერი ვარ მაგ დავალებით!

ერეკლე — შენ კი, სადუხ, შენის გზით წახვალ, როგორც ვიბრძანა იბრაჰიმ-ხანმა!

სადუხ — როგორც კი გადავცემ თქვენს დავალებას, მე ისევ ალა-ხანის ბანაკში გეგულეობდეთ. (გაღიან).

თეკლე — ჭრილობის დადი და ხელი ჩემი!

ვახტანგი — შევძლებ, ბატონიშვილო.

ციციშვილის კარმიდამო

ციციშვილი — რა ჰქენ?

ფანოზაშვილი — ჩავარდა!

ციციშვილი — მთელის რაზმით?

ფანოზაშვილი — რაზმი სადღაა, ერთი კაციც არ გადარჩენილა.

ციციშვილი — თვითონ ვახტანგ ორბელიანი?

ფანოზაშვილი — ორბელიანი მართლა ვაჟკაცი ყოფილა, მაგრამ ბოლოს ისიც შეუბოჭიათ და ცოცხალი წაუყვანიათ.

ციციშვილი — მაშ რა ეგონა ერეკლე მეფეს?

რომ მოაჩვენა,

ვითომ პირველი თავდასხმაზე გადადიოდა,

ხომ ჩაეფუშა მას ეს განზრახვა!

სხვა არაფერი?

ფანოზაშვილი — აბა, სხვა რაღა?

ალა მაჰმად-ხანს დიდი მადლობა შემოუთვლია!

კვლავაც წყალობას მოელოდეთ!

რევაზ ბატონო, იმ წყალობის დროს,

მე იმედი მაქვს, გაგახსენდები!

ციციშვილი — რა დროს ეგ არის!

შენ ის მითხარი,

არლუთიანთან გასაგზავნი კაცი მზად არის?

ფანოზაშვილი — იესე უზბაშზე უკეთესს სხვას ვის გამოვინახავ.

ციციშვილი — მეფის ძალღია!

ფანოზაშვილი — მაგას რად ბრძანებ?

მისი კაცობა და მისი ქუდი

მეფეს მიწასთან გაუსწორებია,

სამსახურიდან დაუთხოვნია

და აღარ იცის,

სად ჯანდაბაში გადაიკარგოს.

ციციშვილი — კეთილი! კეთილი!

რაკი ენდობი, მაშ ეს წერილი

იმან გადასცეს არლუთიანს და გაუფრთხილდეს.

სომხებთან რაღა გაარიგე?

ფანოზაშვილი — ვაჰ, ამ სომხების საქმე, ჩემი სიყრმის მზემ, ვერ გბიგია!

ვაჰ, ვაჰ, კაცო, ეს რა ხალხია?

წვრილი ვაჭრები და ხელოსნები

გუშინწინ ჩემს მზეს ფიცულობდნენ.

სოლომონმა კრება გამართა,

შეულოცა თუ ჯადო დაუგო,

ახლა სულ იმის მზეს ფიცულობენ.

სომხის სოვდაგრებიც სოლომონმა გააგოჯა.

იმის შეგულიანებით ვიღაც მდიდარ შეხრამიანთან

კალუგაში წერილი გაგზავნეს:

„ერეკლე მეფე ჩვენი მფარველია და ოქროები გამოუგზავნეო“.

ციციშვილი — მაშ არა სცხრება ლეონიძე?

იმასაც მალე მოეგრიხება კისერი!

ვითომდა ქვეყნის მოამაგეა,

იქ რუსეთს იგი ელაციცება, აქ კი ოსმალეთს,

არც ირანს სტოვებს;

იმერეთს თავი მოაბეზრა მოპატიჟებით.

ცბიერი ცდილობს: ძირგამომპალი ერეკლეს ტანტრ გადაარჩინოს,

ჩინოს,

მაგრამ ოინბაზს ცდა ჩაუვლის სრულად აშაოდ!

ირანის ხანმაც კარგად იცის, რომ ხუცესის ვიღაც ნაგლეჯი

ტრაქტატებზე ვიცეკანცლერობით ხელს აწერს. უჯიშო,
უგვანო.

მაგის მეოხებით დავკარგე ქართლის ვეჭილობა.

„ყმები რად გაყიდე ახალციხის ბაზარზე?“

როგორ თუ რად გაყიდე?

ათადან-ბაბადან ყმაც ჩემია, მამულიც, ქართლიც!

ფანოზაშვილი — აი, აი! მეც მანდ ვარ!

მეც სოლომონ ლეონიძემ მომლო შარი:

„მოღალატე გივი ამილახვარს ემხრობოდიო“:

და რა ქონებაც ნაყიდი მქონდა ამილახვრისაგან,

მან სულ წამართვა.

შენმა მზემ, ამილახვარს ჩემგან სულ ბაჯადლო ოქრო
მიქონდა.

„მოიტა საბუთიო“.

კაცო, ამილახვარს მე საბუთს შეგკადრებდი? მიქონდა რაღა,
ლეონიძემ კი დამსვა ცარიელზე!

ციციშვილი — ფანოზაშვილო! ყველაფერს მე დაგიბრუნებ.

ფანოზაშვილი — შენს თავს შემოვევლე.

ციციშვილი — მხოლოდ ამქრები მოიბირე.

ხელოსნები დაიყოლიე... ყველას დაპირდი შეღავათი!

ფანოზაშვილი — ენდე ჩემს მარიფათს.

ციციშვილი — ზოგიერთ სანდოს გაანდე კიდევ.

მხოლოდ სიფრთხილით,

რომ ჩვენ ძლიერი გვეხმარება

და იგი უკვე საზღვარზეა უამრავ ჯარით.

მხლებელი — (შემოდის). ბატონო რევან, ამბავი სასიხარულო!

შენი და მარიამ დედოფალი!

ციციშვილი — მოულოდნელია! კახეთიდან რამ აიძულა?

მხლებელი — აგერ, მობრძანდება!

(შემოდის მარიამი).

მარიამ — ძმაო რევან! დიდი ხნის უნახავო...

ციციშვილი — ძვირფას დაიკოს ჩემი სალამი!..

ფანოზაშვილი — დედოფალო, ბედნიერი ვარ...

მარიამი — მომაქვს უსაზღვრო სიხარული!

ციციშვილი — მხიარულება ნუ მოგიშალოს მამა უფალმა.

ფანოზაშვილი — ამინ! ამინ! (პირჯვარი).

მარიამი — ჩემი მეუღლე მეფე გიორგი ბედნიერია!

ციციშვილი — ძვირფასო დაო, გულდასმით გისმენ!

მარიამი — ყველასათვის სათაყვანო ჩემმა მამამთილმა — მეფე
ერეკლემ, დათესა სიტკბო ნათესავთა შორის და ამიერიდან
ალარ იქნება შფოთი, ანორევა და ძმათა სიძულვილი!

ციციშვილი — მარიამ! განა რა მოხდა?

მარიამი — მე მსურს პირისპირ ძმასთან საუბარი!

ფანოზაშვილი — ბოდიშს ვიხდი, დედოფალო!

ციციშვილი — ფანოზაშვილო, იქ შეეხვედებით!

ფანოზაშვილი — დიას, ბატონო! (ფანოზაშვილი ვადის).

ციციშვილი — აბა, მიაშბე, რამ შეასხა ფრთები შენს სიხარულს?

მარიამი — უფრო მეტად გიორგი მაჩქარებდა: მომესწრო შენ-
თვის და ნუგეში მეცა. ეს ამბავი მოხდა ხუთი დღის წინათ,
სრულიად მოულოდნელად.

ციციშვილი — მარიამ! დაწყნარდი და დამშვიდებულმა გამა-
გებინე.

მარიამი — აი, გეტყვი. წყრომა ჩაიკალ!

წყენა სიხარულად შეცვალე.

სამღურავი მადლობად.

ციციშვილი — არ მესმის!

მარიამი — ვიცით, შენს წყრომას მეფისადმი აღრმავებდა ის
გარემოებაც, რომ ერეკლემ გიორგისაც აწყენინა ანდერძის
წიგნით, რომლის ძალითაც უკარგავდა ტახტის მემკვიდრეო-
ბას მის შთამომავლობას.

ციციშვილი — მერე?

მარიამი — ხომ გითხარ: შენი წყრომა ქარს უნდა გაატანო, რად-
გან ჩემი მეუღლე გიბრუნებს ქართლის ვეჭილობას, რაშიაც
გამოგწირა ჩემმა მამამთილმა.

ციციშვილი — მაინც არ მესმის!

მარიამი — გიორგიმ იცის შენი ხასიათი და მუდამ აფიქრებდა:
ამ გაჭირვებულ დროს ისეთი ნაბიჯი არ გადაგედგა, რაც
ჩვენს ქვეყანას მეტ ზიანს მიაყენებდა. შემოსეული მტერი
ექებს შიგნით მოკავშირეს, ეძებს უკმაყოფილო ხალხს, რომ
ციხე შიგნიდან ადვილად გატეხოს.

ციციშვილი — ფრთად გასაგებია. მაგრამ შენი სიხარული რა-
ზედ ემყარება?

მარიამი — გონებით ნათელმა ერეკლემ დაარღვია ანდერძი. წე-
რილობით ატყობინებს გიორგის: ძმებისადმი მიცემულ ან-
დერძზე, მართალია, მაიძულეს და ხელი მომაწერინეს, მაგ-
რამ იგი ანდერძი არის არარა და უმართებულო. რაკი ომს

მოფრეხები, შეცდომას გამოვასწორებ და ვფიცავ ზეციერს, ვერაინ შესძლებს დამარღვევინოს შენი უფლებათა. განა ეს ბედნიერება არ არის?

ციციშვილი — (ხარხარებს). რა გულუბრყვილო ყოფილხარ, შენც, შენი ქმარიც! რატომ დღეს მისწერა ეგ საბოდიშო წერილი და არა ამ ერთი წლის წინათ?

ნუთუ გონიერ მეფეს არ ეცალა?

რატომ უგზავნის უბრალო წერილს და არა იმ ანდერძს, რომელსაც უმართებულოს ეძახის, რომ შენს მეუღლეს იგი დაეხია, მოესპო, ფერფლად ექცივნა?

ნუთუ ის ანდერძი მის ხელთ არ იყო?

არა, მარიამ! უგზავნის უბრალო ქაღალდის ნაფლეთს, რადგან დღეს უჭირს ერეკლეს, ამით სურს შენი გიორგის გული დაამშვიდოს და მოიბიროს...

მარიამი — სცდები, რევაზ! იმ წერილსაც სახელმწიფო ბეჭედი აზის!

იმ წერილით გაუქმებულია ანდერძი!

ციციშვილი — ვინ გააუქმებს, როდესაც დარაჯად დარეჯანი უდგას — ძუ ვეფხვი და თუ მიეკარე, გაგფათრავს! მის წინაშე შენც, შენი მამამთილიც და შენი გიორგიც უმწეო კრავები ხართ. ერეკლეს სულ მალე მოეღება ბოლო და მაშინ, ვაი თქვენ ყველას! და განა ჩემი წყრომა, ანუ უკმაყოფილება, მარტო იმით არის გამოწვეული, რომ მე ერეკლემ წამართვა ქართლის ვეჟილობა, ხოლო ჩემს სიძეს — ტახტის მემკვიდრეობა? არა, მარიამ! მარტო ეს არ არის! მე არ მწამს რუსეთის...

მარიამი — ღმერთო, რა მესმის! შენ ილაშქრებ იმ დიდი საქმის წინააღმდეგ?

ციციშვილი — ერეკლეს უბრალო წერილი ჩემს აზრს ვერ შესცვლის! მე ჩემი ღმერთი მწამს, თქვენსას ნუ დაივიწყებთ, და იქნებ შევესწროთ, თქვენც ჩემს ღმერთზე ლოცულობდეთ.

მარიამი — რევაზ! რას ნიშნავს შენი გამწარება?

ციციშვილი — ახლა, როდესაც ჩემს სანატრელ მიზანს ვუახლოვდები, როდესაც უნდა დაკრას ერეკლეს საბედისწერო ყამმა, შენი ქმრის შეძახილით ფარ-ხმალი დაეყარო და გიორგის სტვირზე ავთამაშდე? არასოდეს!

მარიამი — რევაზ, შენ ღალატი განგიზრახავს!

ციციშვილი — მხოლოდ სიკეთე! დიახ, სიკეთე!

მარიამი — ეგ რა სიკეთეა, როდესაც შენ მიიმართები წინა-

აღმდეგ შენი მძახლის და ჩვენი მეფისა. რევაზ, ძმაო, გაიხსენე ჩვენი ბავშვობა, მაშინ შენი დაიკო გიყვარდა, ანებებრებდი! გეხვეწები: გული მოიბრუნო, თხოვნა შემისრულო, აი მუხლს ვიდრეკ, ძმაო საყვარელო... მე შეგარიგებ მეფე ერეკლესთან, გწამდეს, შეგარიგებ!

რევაზი — არა, მარიამ! არა, დაო! თხოვნა შენი ამაო არის.

მარიამი — ჩემს თხოვნას უკუაგდებ?!

რევაზი — შენ არ გესმის, თუ ჩემი უკან დახევა რა საზარალოა ყველასათვის!

მარიამი — მაშინ მე გიბრძანებ, როგორც დედოფალი კახეთისა და მეუღლე გიორგისა.

რევაზი — ერეკლე თქვენი დამლუბველია!

ვითომდა გონიერმა მეფემ საშუალება გამონახა ხალხის საბედნიეროდ; რუსეთში გაგზავნა მათხოვრები და კავშირს ემუდარებოდა. ამით აიმხედრა მთელი სამუსულმანო და, აბა, სად არის რუსეთი? ირანის შაჰი რისხვით აელვებს მახვილს და მალე ეს მახვილი მოეღება ქართლსა, კახეთსაც. აბა, სად არის რუსეთი?!

იგი არ მოვა!

ერეკლეს ჯიუტობით

განიწირება ქართველი ხალხი!

დაანგრევენ ჩვენს სოფლებს და ქალაქებს, შემუსრავენ ყველაფერს, ქვას ქვაზე არ დასტოვებენ! და ეს რატომ? რისთვის? ვისი წყალობით? გონიერი მეფის ერეკლეს წყალობით!

მარიამი — გონს მოდი, რევაზ! ძმაო, დედ-მამას გაფიცებ... ჩემს შვილებს გაფიცებ...

გული მოიბრუნე, ნუ იზამ მტრობას,

მეც გეხვეწები, ჩემი გიორგიც.

ციციშვილი — დაბრუნდი უკან გიორგისთან და მოახსენე:

ნაქები ვახტანგ, ორბელიანი

თავისი რაზმით უკვე მისრისეს,

და მალე მისრესავენ ბებერ ერეკლესაც.

ამიტომ მოემზადოს, რათა თავყვანი სცეს ირანის მბრძანებელს.

ახლა მშვიდობით,

და გაფრთხილებ, ისევ შენი ბედნიერებისთვის...

(გაღის).

მარიამი — ღმერთო, იესო მაცხოვარო, რა ვქნა? რა ვიღონო?
მე რა იმედით მოვდიოდი და აქ რა დამხვდა...

(ფიქრის შემდეგ).

არა, რევახ, ნებას არ მოგცემ!

ერეკლეს სასახლეში.

დარეჯანი — ასე ანაზღად მისი ჩამოსვლა
კეთილს არ უნდა მოასწავებდეს...
უთუოდ ფიქრობს ომში ერეკლეს მარცხი მოუვა
და სანამ იგი ცოცხალი არის,
ანდერძის წიგნი დაარღვევინოს.
არა, მარიამ! ამაოდ ფიქრობ!
სიცოცხლეს დავთმობ, მაგრამ არასგზით
ჩემი შვილების ბედნიერებას!
ერეკლეს შემდეგ მე ვარ პირველი!
სამეფო ტახტზე პირმშო ძე ჩემი
და არაოდეს გერი გიორგი!
აგერ! აქ მოდის! სად იყო ნეტა?
ვისთან არიგებს თავის საქმეებს?
არ შეგახვედრებ მარტოკა მეფეს...

(გაღის, შემოდის მარიამი).

მარიამი — ნეტა კი მყავდეს ღვთისნიერი ვინმე მრჩეველი!
ჩემი მუდარა არ შეისმინა,
არცა თავის ღვიძლს დამდო პატივი!
როგორ შევხედო მეფეს თვალებში?
თუ არ გადავდგი მტკიცე ნაბიჯი,
მაშინ, ო, ღმერთო, ქვეყანას ღუპავს
და თავის თავსაც!
რომ შევხვდებოდე ახლა ერეკლეს...
არ შემიძლიან!
ოხ, რევახ, რევახ,
ძმავ უბედურო, რად ჩამავდე საგონებელში?

თეკლე — ძალო მარიამ, შენი ჭირიმე, მითხარ, რა მოხდა?

მარიამი — არაფერია, შვილო, არაფერია!

თეკლე — შენი ჭირიმე, ძალო, ვგრძნობ, თქვენ რაღაც იცით.

მარიამი — არაფერია, ჩემო კუდრაჭავ.

თეკლე — გიორგი ძიას გაფიცებ, მამას გაფიცებ.

მარიამი — ღვთის გულისათვის, გოგონა!

თეკლე — ალბათ, ვახტანგისგან წერილი არის.

მარიამი — ფრთხილად, ჩემო გოგონი! ამ ამბავს დედამისი ვერ
გადაიტანს.

თეკლე — დედას ვფიცავ, ფრთხილად ვიქნები. მეტყვით? არ
მეტყვით?

მარიამი — მოიცა, შე ალქაჯო! ჩვენი ვახტანგი...

თეკლე — მოჰკლეს?

მარიამი — არა! (ჩუმად). ალა-მაჰმად-ხანს ტყვედ ჩაუგდია!

თეკლე — ვახტანგი?!

მარიამი — დაიფიცე, რომ არავის ეტყვი. მე წავალ და მის დე-
დას ამ მწარე ამბისთვის შევამზადებ.

თეკლე — ვფიცავ, ვფიცავ, ყველაფერს ვფიცავ. მამ ვახტანგი
ალა მაჰმად-ხანის ტყვე არის?! (მარიამ დედოფალი გავიდა. შემო-
დის როდამი, მას მოსდევს პატარა თეიმურაზი).

როდამი! ჩემო დაიკო! იცი, ვახტანგი...

როდამი — რა, ვახტანგი?

თეკლე — ალა-მაჰმად-ხანს დაუტყვევებია.

როდამი — ჩემი ძმა ვახტანგი? (ტირიან).

თეიმურაზი — აი, აი ქალების საქმე! ცრემლების მაგიერ ის
სჯობია ვიფიქროთ, როგორ ვიხსნათ კაცი ტყვეობიდან.

როდამი — შენ ეგ ვინ გითხრა?

თეკლე — მითხრა... ძალუა მარიამმა!

და მას არა აქვს საშუალება,

რომ ვაჟკაცობით კვლავ თავი იხსნას!

ბედმა მას ასე რისთვის არგუნა?

მგონია, თითქოს მე მიმიძლოდეს დანაშაული.

როდამი — შენ რატომ, ჩემო ძვირფასო თეკლე?..

თეკლე — იმ დღეს, როდესაც მას ვახელებდი, ვუთხარ:

„მიჯნურსა უნდა უჩვენო საქმენი საგმირონია“

და მამაჩემმაც შეგვასწრო თვალი...

და, თითქოს განგებ, მტერთან შეხვედრა მას დაავალა.

თეიმურაზი — აბა ერთი მე ვყოფილიყავ ვახტანგის მაგიერ, იმ
შენს ალა-მაჰმად-ხანს კისერს მოვუგრებდი. იმათ გვამები-
საგან მთას დავდგამდი. ვაჟკაცი იმ მაიმუნებს ტყვედ რო-
გორ ჩაუვარდება?

თეკლე — გაჩუმდი, თეიმურაზ! შენ სულელი ხარ!

თეიმურაზი — სულელები თქვენ ხართ. დამდგარხართ და
იცრემლებით!

როდამი — გახსოვს, თეკლე?

თეკლე — ვანტანგი? ახ, როდამ, რაკი ერთხელ შემეყვარდა, რაც უნდა დაგვემართოს ან მას, ან მე, ჩემს სიცოცხლეში მე სხვას არ შევიყვარებ!

თეიმურაზი — ეგ არი, შენი სიყვარული დაიხსნის მას ტყვეობიდან.

თეკლე — თაზიკო, შენ სულელი ხარ!

თეიმურაზი — მე ვარ სულელი? მოიცა, პაპას თუ არ ვუთხრა შენი ცრემლების ამბავი!

(თეიმურაზს დაედევნებინა. შემოდინა სოლომონ ლეონიძე და დავით ბატონიშვილი).

სოლომონი — აი, მოისმინეთ გენერალ-გუდოვიჩის წერილი და მაშინ დარწმუნდებით, ბატონიშვილო დავით, რომ მე მართალს მოგახსენებთ.

დავითი — კეთილი, წამიკითხე!

სოლომონი — მეფე ერეკლეს გუდოვიჩი მწუხარებით ატყობინებს, აი ის ადგილიც:

„ჩემის მთავრობის განსაკუთრებულ განკარგულებამდე არ მაქვს უფლება დავძრა ჯარი მოზდოკიდან“.

აი, ბატონიშვილო, ვგონებ ყველაფერი გასაგებია.

დავითი — დიახ, დიახ... გასაგებია... მაგრამ სანამ ეგ განსაკუთრებული განკარგულება მოხდება — სანამ ის მისწერს, სანამ მოსწერენ, გამოირკვევა მდგომარეობაც და მაშინ ვიღას რას არგებს ან ჯარი, ან დახმარება? დღეს უკვე სექტემბერია და მტერიც საცაა თბილისის მიდამოებს მოადგება... ეს მოტყუებაა და სხვა არაფერი!

სოლომონი — ბატონიშვილო, თქვენ უკეთ მოგეხსენებათ, რომ სახელმწიფოთა ურთიერთ დახმარება, თუ კავშირი, მართო რომელიმე მეთაურის სურვილზე არ არის დამოკიდებული. შესაძლებელია, რუსთა მთავრობას ძალიან გულითაც სურდეს ხელი გამოგვიწოდოს, მაგრამ მას თავის უნებურად აჩერებდეს სხვა დაუძლეველი მიზეზი, რომელსაც სხვა მეზობელი სახელმწიფო უქსელავს. ხომ მოგეხსენებათ, რუსეთ-ოსმალეთის ომის შემდეგ, ერეკლეს მიერ ახალციხის ფაშასთან დადებულ ხელშეკრულების ძალით, საქართველოში რუსეთის მხედრობა 3.000-ს არ უნდა აღემატებოდეს და ახლა კი ექვს პოლკსა ვთხოვთ დამატებით. ჩვენ უნდა ხელშეკრულება დავარღვიოთ ახალციხის ფაშასთან, ხოლო რუსეთმა ოსმალეთთან. რუსეთის ბრწყინვალე კამპანია კი მოლდავია-ბესარა-

ბიაში, მართო ოსმალეთს კი არა, ევროპასაც არ ასვენებს. ჯერჯერობით დაპირების მეტს ჩვენ რუსეთიდან ვერაფერს მივიღებთ!

დავითი — დიახ, დიახ, მართალი ხარ! ეგ იცის უთუოდ ერეკლემაც, მაგრამ სხვა გზა არ არის; კანცლერო, ქართველი ხალხის მალალ კულტურას გამოსავალი გზა სჭირდება და სჭირდება განთავისუფლება საუკუნეობით ჩაჭედილ აზიის ველურ ტომების უღლიდან! როგორც ნეტარსენებული პეტრე დიდი იღვწოდა და რუსის ხალხისთვის გახსნა ფანჯარა ევროპისაკენ, ისე ერეკლე ცდილობს გახსნას კარი დარიალისა, სინათლისაკენ საქართველოსთვის, რომელიც ღირსია უკეთესის ბედისა და მერმისისა, ვიდრე ამას სპარსეთის ალა-მაჰმად-ხანი ანდა ოსმალეთის სულთანი უქადის. მოხსენდა მეფეს ამის შესახებ? ან შენ რას აპირებ?

სოლომონი — დიახ, მოხსენდა და უკვე წერილიც გავამზადე მისი ბრძანებით გენერალ-ანშეფ გუდოვიჩთან.

დავითი — მეფის ძე ბატონიშვილები სადღა არიან?

სოლომონი — მეფის ძე ბატონიშვილები ჩაიკეტნენ თავ-თავის სამფლობელოებში და მამის მძიმე მდგომარეობას იოლად უტყქერიან.

დავითი — აქ მობრძანდება დედოფალი, ქეთევანი — დედა ვანტანგისა, მარიამ დედოფალს ხელით უჭირავს, არ უნდა იყოს კარგი ამბავი.

სოლომონი — მე გაგეცლებით, ბატონიშვილო, და, თუ მიკითხონ, მოახსენეთ, მეფეს ახლავს-თქო. (გაღის).

დავითი — ჭკვიანია სოლომონი! იცის, დედოფალს ეჯავრება, მეფის ჩრდილში კი ქვეყნის საქმეს კარგად აკეთებს.

(შემოდინა: დარეჯან დედოფალი, ქეთევან და მარიამ დედოფალი. დავით ეახლება დარეჯანს, ხელზე ეამბორობა).

დარეჯანი — არა, ჩემო სანუკველო ქეთევან! საშიში არაფერია! მით უმეტეს, თუ მართლა ტყვედ ჩავარდა ვანტანგი, სიცოცხლე მისი დაზღვეულ იქნება. აი, დავითიც დამიდასტურებს, რომ ერეკლე ბატონი მორიგებით გაათავებს ალა-მაჰმად-ხანთან და შენს შვილს ვანტანგს ტყვეობიდან გამოისყიდის. ალა-მაჰმად-ხანი ვერ შესძლებს თავდასხმას, როდესაც ჩვენ მოკავშირედ და მფარველ-შემწედ გვყავს მისი დიდებულება იმპერატორცა ეკატერინე.

ქეთევანი — რა გააძღობს უმადლარ საჭურისს? ის ჩემს შვილზედაც შურს იძიებს. ნადირ-შაჰი თავის სადგომსა და სამლო-

ცველოს შორის დასაფლავებინა, რათა ყოველ ლოცვის დროს ფეხით გადაეთელა შაპის საფლავი და ბოროტი გული დაეკმაყოფილებინა.

მარიამი — რაც უნდა ქნას, ნადირ-შაპის ბრწყინვალე გვირგვინს მაინც ვერ ეღირსება.

ქეთევანი — ოღონდ ღვთისმშობლის წილხდომილს ჩვენს* ქვეყანას აშოროს მისი ბოროტი ხელი და... ის ერთი ვაჟიც შემიწირავს...

დავითი — ცოცხალი გვყავდეს მეფე ბატონი, არა არის-რა უსაშველო. პაპას ისეთი გეგმები აქვს, ევროპის ბევრ დიდ ხელმწიფესაც შეშურდება.

მარიამი — ფრიად საოცარია! სად შესწევს ამდენი ღონე, ან სად პოულობს დროს, რომ არ სტოვებს არც ერთ წიგნს წაუკითხავს და ყოველ გეგმას თვითონ იხილავს.

დარეჯანი — თქვენ მზეს ვფიცავ, როდისღა სძინავს, თუ ვიცოდე, დღის სინათლე მომენატროს! გახსოვთ, ერთხელ ლეკები რომ გამოჩნდნენ სადილობის უამს დილოში, სადილი არ ინება და მათ დაედევნა, როცა სახლში დაბრუნდა და, ის კი იყო, პური უნდა ეჭამნა, მოახსენეს, მოთარეშენი ტაბახმელასთან გამოჩნდნენო. ახლა მათ დაედევნა, მხოლოდ ვახშობისას დაბრუნდა, მაგრამ კაცი მოვიდა, მტერი მარტყოფზე დაცემას აპირებსო. უმაღ ცხენს მოახტა, მდევარი გააყოლა და მტერი მარტყოფთან დაამარცხა.

ყველანი — ღმერთმა მისცეს ჯანი და სიცოცხლე! გამარჯვება მტერზე და მუხანათზე ჩვენი ქვეყნის საკეთილდღეოდ.

ერეკლე — (თავს წამოადგება ამ სურათს). ამინ, თქვენს, მადლსა! (ყველანი წამოდგებიან, თავს დაუკრავენ. ერეკლე გაემართება ქეთევანისაკენ და ანუგაშებს). ჩვენი პატიოსანი ქეთევან დამწუხრებულნი ჩანს! ვიცი, ქართველი დედა მარტო თავის შვილზე არა სწუხს, მას აწუხებს, ალბათ, ის ამბავი, რომ ქართველებში აღმოჩნდა ვინმე მოლალატე, რომელმაც გასცა ვახტანგი და მტერს ხელში ჩაუგდო. ვახტანგს მე შვილებში არ გამოვარჩევ და, ვფიცავ, ვინც მუხანათურად იგი ხელთ ჩაუგდო საჭურისს, აგვაგო საქართველოს მიწიდან ძირ-ბუდიანად. (მარიამს ტირილი წასკდა და წამოიძახა: „მამავ, მეფე ბატონო“. საერთო შეშფოთება. მეფე ყველას გაკვირვებული უცქერის). გთხოვთ ყველას, მარტო დავგეტოვოთ! (ყველანი გვიდნენ. ერეკლე მოეფრა თავის რძალს). ჩემო მარიამ, ძვირფასო რძალო... ჩემო შვილო, დამშვიდდი... შენს თვალებს რატომ უნდა სდიოდეს ცრემლი?

მითხარ, ვინ არის მიზეზი შენი ცრემლებისა? იქნებ მე თვითონ, ჩემს უნებურად, რამე გაწყენინე?

მარიამი — არა, მეფეო!

ერეკლე — იქნებ ჩემმა გიორგიმ გაწყენინა?

მარიამი — არა, მეფეო, ჩემი გიორგი სათნო ადამიანია!

ერეკლე — მამ დედოფალმა დარეჯანმა?

მარიამი — არა, დარეჯანს პატივში ვყავარ.

ერეკლე — მამ თვითონ შენ მითხარ, მრავალ ეჭვში ნუ მაგდებ, შვილო, და შენს თავს ვფიცავ, მე და შენშივე დარჩება საიდუმლოდ.

მარიამი — შეწყალებას გთხოვ.

ერეკლე — ვისთვის?

მარიამი — ჩემი ძმისთვის, რევაზ ციციშვილისთვის.

ერეკლე — განა რა დააშავა?

მარიამი — ის არის მოლალატე.

ერეკლე — შენი ძმა, რევაზი?

მარიამი — დიახ! ვიცი და ვიტანჯები! მე კახეთიდან მიტომ გიახელ, მინდოდა შენთვის მეთქვა ყველაფერი... ის შენც გლალატობს, საქართველოსაც.

ერეკლე — თავს ნულარ შეიწუხებ, ჩემო მარიამ. მიხვედრილი ვარ ყველაფერს, უთუოდ ვახტანგიც მისი დაღუპულია.

მარიამი — მაინც ძმა არის, მისი ცოლ-შვილი მებრალება. ამიტომ გთხოვე წინასწარ შეწყნარებას.

ერეკლე — მე შენი თხოვნა უარ არ მიყვია.

მარიამი — ნუ ინებებ სიკვდილით დასჯას.

ერეკლე — როგორც შენ გსურდეს. შენ თვითონ დედოფალი ხარ!

მარიამი — გთხოვ, მე მომანდო მისი დასჯა.

ერეკლე — შენ ბრძენი ადამიანი ხარ.

მარიამი — გავაძევებ საქართველოდან... მას მე ვითავებ.

გაძევებულმა თავისი დანაშაული მოინანიოს!

ერეკლე — არ ღირს შენს ზრუნვად, მაგრამ იყოს ნება შენი.

სოლომონ — (შემოდის). მეფე ბატონო! გთხოვ, საჭირო საქმეა

ერეკლე — მოვდივარ!

(გადიან. უმაღვე შემოდის დარეჯანი).

დარეჯანი — შვილო მარიამ! რა გვიყავ, ქალო! რა დაგემართა?

მარიამი — მაპატიე, დედი!

დარეჯანი — აგრე ანაზღად შეჭკივლე მეფეს,

ჩვენ სახტად დაერჩით.

არც კი ვიცოდი, თუ რა მელონა.

რა ჭირი გქონდა ეგრე მძიმე, რომ ვერ გამანდე?

ჩემზე ხომ არ ხარ, შვილო, ნაწყენი?

მარიამი — არა, დედოფალო!

შენი სიკეთე და მზრუნველობა

დიდად მავალეხს!

ნეტა თუ შევძლებ გადავიხადო!

დარეჯანი — ეგ ჩემი წმინდა ვალია, შვილო!

მარიამი — შეილები სათავის უნგარო ხარ ნათელი გულით.

დარეჯანი — განა გიორგი ნაკლებ მიყვარს ჩემს სხვა
შვილებზე?

მარიამი — უფრო ნაკლებ რომ გყვარებოდა,

არც ისურვებდი იმ სიმშვიდეს, რაც ჩვენ გვეუწყა.

დარეჯანი — და რა გვეუწყათ ისეთი, რომ მან ავატირა?

მარიამი — არა, ის ჩემი ძმის გამო იყო.

და რაც სიკეთე თქვენ მიყავით, მან ჩამიმწარა.

უთუოდ ღმერთმა შთაგაგონათ ის სათნო აზრი,

რაც სპობს მტრობას და სიძულვილს ერთმანეთს შორის.

დარეჯანი — და შენი ძმა კი მაინც არ სცხრება?

მარიამი — დიახ, თქვენს მიერ შთაგონებულ მოწერილ წიგნსაც
არ დაუჯერა!

დარეჯანი — რომელ წიგნს, შვილო?

მარიამი — რითაც აუქმებს მეფე-მამა ანდერძის წიგნსა.

დარეჯანი — (გაოცდა, ელა ელა). რაო? აუქმებს? ანდერძს აუქ-
მებს და ეს წერილი ერეკლესგან უკვე მიიღეთ?

მარიამი — სახელმწიფო ბეჭედდასმული,

და ჩემმა ძმამ კი...

დარეჯანი — შენმა მზემ, ძლიერ გამახარე!

(შემოდის სოლომონი).

სოლომონი — მეფემ ბრძანა: ყოველგვარი ხიფათის ასარიდებ-
ლად დარეჯან დედოფალი ოჯახიანად ანანურში გაემგზავრე-
ბა. მარიამ დედოფალი თავის ძმის საქმეს მოაგვარებს და
კახეთიდან ჯარს მოგვაშველებს.

მარიამი — ბედნიერი ვარ მაგ დავალებით!

მშვიდობით, დედი! ანანურიდან ხმას მოგვაწვდენდე!

დარეჯანი — მშვიდობით, შვილო! გიორგი ბატონს დედაშვი-
ლური მოკითხვა მოახსენე. (მარიამი გადის).

კანცლერო! ერთს წამს შეჩერდი.

სოლომონი — დედოფალო, აღელვებული სჩანხარ!

დარეჯანი — ალბათ, მიზეზიც გეცოდინება.

სოლომონი — გულთამხილავი არ გახლავართ და მაპატიეთ.

დარეჯანი — მონა, რომელიც თავის ბატონს ქურდავს და
ყელს სჭრის,

მერე თხოულობს პატიებას?

სოლომონი — დედოფალო, მაგას რად ბრძანებთ?

დარეჯანი — რად დაამსხვრე ჩემი იმედი

და რად მოუღე ბოლო ჩემს ზრახვებს?

სოლომონი — ნეტა ვიცოდე, რა ბრალსა მდებ, რა დავაშავე,

შემდეგ მიიღე ჩემი თავი ჭირის სანაცვლოდ.

დარეჯანი — სხვა ვინ იზამდა ამ ბოროტ საქმეს,

თუ არა კაცი ფლიდი, ორპირი?

სოლომონი — გთხოვთ, მაკმაროთ შეურაცხყოფა

და თუ ფლიდი ვარ, ანუ ორპირი,

მეფეა ჩვენი ყველას მსაჯული,

მიჩივლე მასთან! (წასვლას აპირებს).

დარეჯანი — პასუხი გამეც!

რა დავიშავეს ჩემმა შვილებმა, რომ ვერაგულად

ყელი გამოსჭერ და სამარე მეც გამოიხარე?

შენ ხომ იცოდი ანდერძის ძალით

ძე ჩემი უნდა ასულიყო სამეფო ტახტზე!

დამპირდი კიდევ, რომ ამ სურვილს ამისრულებდი,

რად მატყუებდი

და რად გადახველ პირობაზე, ორპირო კაცო,

რომ მეფეს წიგნი ანდერძისა დაარღვევინე?

სოლომონი — ანდერძის წიგნი დავარღვევინე?

მე?..

თუ დამიჯერებთ, პირველად მესმის

და უნდა გითხრათ:

თუ მართალია ეგ ამბავი, — დიდად მახარებს!

მამ მისხვედრილა ჩვენი მეფე თავის შეცდომას

და ამოუწვავს შფოთის გესლი სათავეშივე!

დარეჯანი — მამ შენ ყოფილხარ...

სოლომონი — თქვენ რომ ჩემს რჩევას მოისმენდეთ ოდნავ
გულდასმით

და ვიწრო ზრახვებს ოჯახისთვის უკუთავდებდეთ,

შეიქმნებოდით საყვარელი მთელი ხალხისთვის

და მომავალიც სასოებით მოგიხსენებლათ!

დღეს კი, დარეჯან დედოფალო, აბა რას სჩადით?
უკვე საზღვარზე მომდგარია ძლიერი მტერი,
დღეს არა, ხვალე გაიღვებებს ჩვენს თავზე ხმალი!
იმის მაგიერ, მოუწოდოთ თქვენს შვილებს ჯარით,
მოვიდნენ, მამას მოეშველნენ, იხსნან სამშობლო,
ვიღაც ოსეფას ნაჯღაბნზე ხართ გადაგებული!

დარეჯანი — ო, საზიზღარო, მელაძეა!
არ შემიძლიან!

ჰეი, მეფეო!
სამართალს ვითხოვ...
მეფევ, მიშველე!

ერეკლე — (შემოდის).

რა ამბავია, დედოფალო!

დარეჯანი — აი, ეს კაცი!.. არ შემიძლიან!
ან ეგ მდაბიო, ან დედოფალი!

ძირს უთხრის მეფეს, პარს უთხრის ოჯახს,
გვიშხამავს ჰაერს და სუნთქვას გვიშობს.

ერეკლე — სოლომონ! მე ხომ გაგაფრთხილე,
დედოფლის წყენას ერიდე-მეთქი!

დარეჯანი — წყენას კი არა, მახვილს ლესავს შენტვის, ყვე-
ლასთვის.

მას ახსოვს მხოლოდ თავისთავი!
ბაგრატიონებს ცოცხლებს ტახტს უნგრევს,
მკვდრებს კი საფლავში საგინებელს ხდის!
ეგ არის ქვეყნის ამომგდები და მელაძეა!
ყველასთან ქლესა და სხვის გულში შემძვრალი გველი.

ერეკლე — დარეჯან...

დარეჯანი — მაგან მთიელნი ააჯანყა, სხვებს დააბრალა!

მაგან გაყიდა ციციშვილის ხუთი სოფელი!

მაგან ქონება მიითვისა ამილახვრების!

მაგან სოვდაგრებს და წვრილ ვაჭრებს ტყავი გააძრო.

ერეკლე — მოიცა, დარეჯან!

დარეჯანი — მაგის ბრაღია, რომ რუსეთი ჯარს არ გვიგზავნის,

მაგან დათესა შულლი, შფოთი ჩვენს შვილთა შორის.

ერეკლე — დამშვიდდი, დარეჯან!

დარეჯანი — და ახლა, მეფევ, მაგის რჩევით ყელი გვეჭრება.

თუ გიორგისთან წერილი რამ მიგიწერია,

რათა გაუქმდეს დადგენილი ანდერძის წიგნი...

ერეკლე — მორჩი, დედოფალო?

დარეჯანი — გთხოვ, მოიშორო და დაგვამშვიდო!
ერეკლე — რას იტყვი, სოლომონ! თავს რით იმართლებ?
სოლომონი — ადამიანს კი გაიცნობ.

მაგრამ უეცრად რას შეგამთხვევს,

ამას კი ვერ გაითვალისწინებ!

ჩემი ბედი და სიცოცხლე შენს ხელთ არის, ჩემო

ხელმწიფევ.

და როგორც დამსჯი, მორჩილებით ყველას ავიტან!

მე ამის მეტს ვერაფერს გეტყვი!

ერეკლე — დარეჯან! შე კაი ქალო,

ამდენი ხანი ვწიეთ უღელი,

აგერ ერთმანეთს შევაბერდით და ახლა, როცა

ჩვენ ორნი ვიმკით უკანასკნელ სიცოცხლის ნაყოფს,

ნუთუ არ ძალგვიძს, რომ ავცდეთ წყენას

და ჩვენს ბედ-იღბალს დავემორჩილოთ?

დარეჯანი — ბატონო მეფევ!

ერეკლე — დედოფალო, შენტვის სჯობია

ახლავე მიბრძანდე ანანურში!

(დედოფალი უკმაყოფილო და სოლომონზე გაბრაზებული გადის).

სოლომონ ჩემო!

თუ ნათლად ხედავ ჩემს მწარე ხვედრს,

რაიც მივიღე დედოფლისგან გვირგვინოსანმა,

იმედს არ ვკარგავ,

ამ შენსა წყენას დღევანდელსაც მე მაჰატეებ.

სოლომონი — ჩემო ხელმწიფევ, ნუ ინებებ!

წყენა რას ჰქვია? როს თქვენი ნდობა და ნუგეში

თქვენს მორჩილ მსახურს მუდამ წინ მიძღვის

ქვეყნის მართვა-გამგებლობაში.

მოკმედეზა მორა

ალა-მაჰმად-ხანის კარავი

ალა — ჩემს კარავს მხოლოდ მაზანდარელებმა უღარაჯონ!
სხვამ არავინ!

საფარ — მცველებს მორიგეობს ალი-სადუხ-ბეგი,
დიდო მბრძანებელი!

ალა — ალი-სადუხ-ბეგი? ვინ არის სადუხ?

საფარ — შენმა ერთგულმა სარდალმა ამოარჩია სხვა
მრავალ ერთგულთა შორის!

ალა — ცუდ სიზმრებს ვხედავ, თუმც ცუდი სიზმარი დღეს
კეთილად ამიხდა.

მე ხომ გიბრძანე, ის ტყვე სასწრაფოდ წარმოგედგინა?
სად არის! ვინ არის?

ასე ასრულებ შენ ჩემს ბრძანებას?

საფარ — ის ტყვე აქ გახლავს, მზეო ირანისაჲ!

ალა — საფარ! შენი ყური ველარ ისმენს!

ყურებს გაუფრთხილდი! ჩქარა შემოიყვან! (მეორე ნაზირს).

დაჯილდოვდეს, ვინც გვამცნო ორბელიანის ღნავრობა,
მხოლოდ დატოვებულ იქმნას ჩემს ბანაკში!

მეფე ერეკლე, როგორც ჩანს, ჟედს არ მიხრის!

უკვე რაზმებიც შემომავება! რას ნიშნავს ეს?

მის ძლიერებას, თუ სისუსტეს? რას გაჩუმებულხარ?

(შემოჰყავთ ვახტანგ ორბელიანი ხელეშეკრული).

ვინ გაბედა და ქართველ ვაჟკაცს ხელები შეუტრა?

ყმაწვილო, ვინც შენ დაგამცირა,

მისი თავი შენს ფერხთან გაგორდება!

გაუხსენით!

ორბელიანი — ნუ სწუხდებით!

„გარდამხდა გარდასავალი, სხვა უარესსაც მოველი!“

ალა — შენი ვინაობა?

ორბელიანი — ორბელიანი!

ალა — ჰო, ორბელიანი! დიდი გვარის ყოფილხარ!

აღბათ, ნადირ-შაჰთან მამაშენი იქნებოდა!

სულძალი ნადირ-შაჰი მას ისეთი პატივით

ვერ მოეპყრა, როგორც მას ეკადრებოდა!

ჩემს ხელთ არის ადამიანის განდიდება,

შექმნა საამო ცხოვრებისა,

ჩუქება ოქრო-ვერცხლისა,

ბოძება სარდლობისა

და თვით მეფის გვირგვინისა!

შენ რას ისურვებდი, ყმაწვილო კაცო?

ორბელიანი — ჩემი მტრის დამხობას!

ალა — რაო? მთხოვე, ყმაწვილო, რას ინატრებდი?

(არ პასუხობს).

ორბელიანო, მე შენთვის ბედნიერება მსურს!

მთხოვე, აგისრულე!

(არ პასუხობს).

თუ ნამდვილად გიყვარს შენი ხალხი

და გინდა, შენი ქვეყანა უმსხვერპლოდ გადარჩეს,

უნდა მაცნობო: რამდენი ჯარი ჰყავს ერეკლეს,

სად არის დაბანაკებული

და ვისი აქვს დახმარების იმედი?

ორბელიანი — საქართველოში მშვენიერი ამინდი ილგა.

შემოდგომის მზიან დღეებს არც ზენაქარი აფუჭებდა

და არც ქვენაქარი! ავდარს ველოდებოდით და ვიცოდით

კიდეც

ტაროსი შეიცვლებოდა, მაგრამ ჩვენ ამით

გული არ გაგვტეხია!

ალა — (თავისთვის). ალაჰ! მოთმინებიდან გამომიყვანს...

ორბელიანო! მე შენ დიდებას და პატივს გპირდები.

ორბელიანი — მე შენგან მხოლოდ სიკვდილს მოველი!

და რაც ჩქარა ასრულდება, მით უკეთესი!

ალა — მე ადვილად ვასრულებ ნატვრას,

მაგრამ არა ჩემს საწინააღმდეგოდ!

იფიქრე და მომახსენებენ.

საფარ! გარიჟრაჟამდე ესაუბროს ჩემს ერთგულ ჯალათს.

საფარ — ახლავე, ირანის მზეო!

(გაღიან).

ორბელიანი — იგი ჯალათი არ იქნება შენზე უძლები

და საზიზლარი!

ეჰ, დათვლილია ჩემი წუთები!

შემინდე, მეფევე, დავალება ვერ შეგისრულე!

საძაგლად შევრცხვი და სამშობლოს ვერა ვარგე-რა!

შენც, ჩემო თეკლევე, სასურველო! ნეტა ვინ გამცნოს,

რომ გამცემლებმა ტყვედ ჩამაგდეს მუხანათურად

და, ჩემს სალოცავს, იმედები ვერ გაგიმართლე!

(შემოდის ჯალათი).

მოდის ჯალათი! აჰა, მე მზად ვარ!

ვინ ხარ? რა გინდა?

ჯალათი — მე ვარ მსახური ირანის მზისა!

მან ინება: არ მოგაწყინო,

გაგართო და იმედი მოგცე...

საქმეს შევუდგეთ პირდაპირ და მოურიდებლად.

ის შენც იცი:

სიკვდილი შეიძლება ხმლით,

შეიძლება თოკით, შანთით...

შენ რომელს ირჩევდი, ყმაწვილო კაცო?

ორბელიანი — ჯალათო, შენ უფრო პატიოსანი ჩანხარ,

ვიდრე შენი ბატონი!

შენ არ მალავ შენ ხელობას, ის კი ნიღაბს იფარებს

და ცდილობს სათნო ქმნილებად მოგვეჩვენოს.

ის ქვეყნის ჯალათია, შენ კი მისი ბრმა იარაღი!

ჯალათი — სხვის განსჯას თავი ანებე. ახლა შენ რას ფიქრობ?

მე უნდა ვიცოდე ყოველივე.

ორბელიანი — მე ფიქრობ: თუ ალა-მამედ-ხანს შენს მეტი

იარაღი არ მოეპოვება თავის ძლიერების განსამტკიცებლად,

ანდა ჩემი საიდუმლოს ამოსახსნელად,

შენც და ისიც ამაოდ გარჯილხართ, ჩემი სული დაიმორჩილოთ.

ჯალათი — მე მაინც რჩევას გაძლევ და განგიმართავ:

როდესაც თოკით ვკიდებ, ვერ ვიტყვი, საქმე

სწრაფად თავდებოდეს!

შანთებით სიკვდილი დიდხანს გრძელდება და ჩემთვისაც
მოსაბეზრებელია!

მე ვამჯობინებ ხმლით თავის მოკვეთას.

ყველაფერი ხდება უცბად და სუფთა ხელობაც არის.

ორბელიანი — ოდესმე ხმალი დაგიცდება

და შენი თავიც მიწაზე გაგორდება.

ჯალათი — არა! შეჯახებათა ორომტრიალში გამოცდილი ვარ,
ყმაწვილო კაცო...

მაინც ახლა შენ რას ფიქრობ? ან რას ინატრებ?

ორბელიანი — შენს სიკვდილს და ჩემს გადარჩენას.

ჯალათი — არა, ყმაწვილო, უკუღმა გიფიქრია!

ორბელიანი — შეიძლება წაღმა ასრულდეს შენი ბატონის
მეოხებით.

ჯალათი — ეგ როგორ?

ორბელიანი — აი, შენ უფრო გშინებია სიკვდილისა!

მართალი საქმე კი უშიშარის გზით მიიმართება...

ჯალათი — მე შენი არა მესმის რა! პირდაპირ მითხარ,

თუ არც ერთს არ ირჩევ, ყველაზე უკეთესია,

დათანხმდე ჩემს ბატონს და მეც ჯაფა შემიმსუბუქო.

(უცბად ჯალათს ჰკლავს ალი-სადუხ-ბეგი).

ორბელიანი — ვინ ხარ?

სადუხ. — ჩუმად!

ორბელიანი — ალი-სადუხ-ბეგი! საიდან? როგორ?

სადუხ. — მე აქ სანდო შევიქენ, რომ უფრო ერთგულად მექსა-

ხურნა ერეკლესათვის. ახლა აჩქარდი. ცხენები მზად არიან!

აბა, წავიდეთ, სანამ საფარ მობრუნდებოდეს.

ვახტანგი — გამდლობთ, ძმაო, მიგულე მარად შენს მოვალედ!

სადუხ. — ალაპი გვეფრავდეს და კეთილად გზა წაგვიპართოს.

(გაღიან).

საფარ — (შემორბის). აქ რალაც მოხდა... ეს ვინ არის?

აა! ალაპ! ჩქარა მღევარი! ჩქარა მღევარი!

ჰეი, მღევარი!

(შიშის ზარი, ყვირილი, შემოდიან სხვადასხვა მხრიდან და ჩოჩქოლი
შეიქმნება, გვაში გააქვთ).

ალა — რა ამბავია ჩემს კარავში? რა ხმაურია?

საფარ!

საფარ — მბრძანებელო, მაპატიე! მღევარი დაეადევნე...

გზები შეკრულია...

ალა — რა ამბავია?

საფარ — მოუკლავთ! ტყვე გაქცეულა.

უნახავთ, ორნი გაქცეულან... უნახავთ ალი-სადუხ-ბეგი.

ა ღ ა — შენ რატომ ვერ ნახე და ყურთასმენა არ გაიმახვილე!
საფარ, წადი ყარაგიულთან და უთხარ ამის ჯილდოდ
ყურები დაგაჭრას! გამეცალე!
ტყვეები ხელთ ვერ ჩაიგდეს. ცოცხლები არ გვენბდებიან.
ის ერთიც გაექცათ. გვაიძულებენ, რომ გავყლიტოთ.
მით უარესი გურჯისტანისთვის.

დ ა რ ა ჯ ი — მეფეთ მეფეო! შენი მორჩილი ძმა ჯაფარ-ყული-
ხანი თეირანიდან.

ა ღ ა — ჩემი ძმა ჯაფარ? ჰო, ამბებს მომიტანდა. შემოვიდეს.

ჯ ა ფ ა რ — ბრძენო უძლეველო, მახვილო ალაპისავ,
მზეო ჩაუქრობელო, ირანის დიდებაო!
ვეამბორები შენ ფერხთა მტვერს!

ა ღ ა — ჩემს სიცოცხლეზე მეტად საყვარელო ძმაო.
შენმა მოსვლამ დარდი გადამყარა. ერეკლეს ქეშივი
გაექცათ ამ ძაღლებს... რა ამბავია თეირანში?

ჯ ა ფ ა რ — თქვენს იქ არ ყოფნას ძალიან სწუხს თეირანი.

ა ღ ა — მეც გულით ვწუხვარ, რომ შორი გზა გამოგატარე!
მიიღე ჩემი წერილი?

ჯ ა ფ ა რ — არა, მბრძანებელო!

ა ღ ა — მაშ მართალია, იბრაჰიმ-ხანს ხელთ ჩავარდნია.

ჯ ა ფ ა რ — დიდებულო მბრძანებელო, მე მეგონა, უკვე თბილისში
გნახავდით.

ა ღ ა — ხვალ ჩემთან ერთად იხილავ თბილისს. იბრაჰიმ-ხანის რა
შეიტყე?

ჯ ა ფ ა რ — ვერ მოსტეხეს, ხელთ ვერ ჩაიგდეს, თუმცა შენთვის
თავს არ ზოგავს სარდალი და მისი ჯარი.

ა ღ ა — მაგას მე თბილისში გამოვასწორებ.
გამოვასწორებ იმ ამბავსაც, რომ იბრაჰიმ-ხანმა ჩემი შიკრი-
კები შეიპყრო და შენთან მონაწერი წერილები წაართვა!

ჯ ა ფ ა რ — დიდო მბრძანებელო! ავღანელები კვლავ უფოთავენ და
შენს ერთგულ თურქმენებში მითქმა-მოთქმა...

ა ღ ა — რაო, რა სურთ?

ჯ ა ფ ა რ — ზავი, მბრძანებელო! გურჯისტანში რა გვესაქმება,
როცა აქ, ცხვირწინ თავს არ უხრიან ირანის ტახტს ქვეშევრ-
დომნიო.

ა ღ ა — ზავი?! ზავი! ერეკლესთან ზავი განა მე არ მსურს? განა მე
არ ვიყავ, მორიგებას ვეძებდი მასთან? წლობით ველი მის-
გან ახსნა-განმარტებას და არ იქნა. ზავი! ზავი! თქვენ გინ-
დათ ერეკლესთან დავდო ზავი? არ ხერხდება! რა მისცეს

რუსებმა ერეკლეს? განა მე უფრო მეტს არ ვპირდები? არა,
მან ამჯობინა, რომ ჩემი მტრები და ორგულნი შეეკრიბა
თავის გარშემო. იბრაჰიმ-ხანი, გაძევებული თავის ქვეყნიდან,
როგორც ორგული და მოლაღატე! ერევნის და ნახჩევანის
ხანი — ქურდი და გაიძვერა, შულღის ოსტატი. არც ერთი
არ ვარგა არც მოყვრისათვის და არც მტრისათვის. და ამ
სამარცხვინო ბრბოს მეტაურობს ჭაღარა მეფე. ო, დიდო
ალაპ! შენს რჩეულს აშინებენ რუსთან კავშირით! მერე სად
იყვნენ ეს რუსები, როდესაც ჩემი მახვილის ერთი მოქნევით
გავფანტე ერეკლეს ლაშქარი ერევანს, განჯას და ყარაბაღში?
ან იქნებ ფიქრობს, რომ ახალციხის ფაშა მოუთმენს რუსის
ლაშქრის ჩამოყვანას საქართველოში? ან და შამშადილ-ხანი,
ლექთა ბატონი, მოუცდის, როდის ინებებს, რომ გურჯის-
ტანმა მას ზურგში ჩასცეს რუსების ხიშტი.

ჯ ა ფ ა რ — დიდო მბრძანებელო! გამიგონია, ერეკლე ჯარებს გურ-
ჯისტანში ჰკრეფს ყოველ კუთხიდან და ამ მიზნისთვის მისი
შვილები...

ა ღ ა — მისი შვილები? სულელურ ანდერძის გამო ისინი ლოცულო-
ბენ, რათა მალე ამოძვრეს სული! მათი ჯარების რიცხვი მე
კარგად ვიცი! კახეთიდან ლეკების შიშით ჯარს ვერ აპყრის!
იმერეთიდან განა რამდენს მოაშველებენ, როცა ოსმალო
კრიჭაში უდგა? ხუთი ათასს! ხა! ხა! ხა! სამაგიეროდ მე მყავს
ათჯერ მეტი! მოკავშირენი? რა თავში ვიხლი მის მოკავში-
რეს, როდესაც ჩემი მოკავშირე ჩემი ხმალი და ჩემი ჯარია.
მაგრამ განჯელები თუ კვლავ ამიჯანყა, ალაპს ვფიცავ, ადვ-
გავო სამუსულმანო საზღვრებიდან და გურჯისტანი გადავაგ-
დო დარიალის იქით, სულძაღლმა ნადირ-შაჰმა თავის სიბეცით
ვერ გაითვალისწინა და ირანის გულზე უხამიანი გველი აღ-
ზარდა!

ჯაფარ! ადგევი, მოვსპობ გურჯისტანს!

ჯ ა ფ ა რ — იდიდოს სახელი ალაპისა!

თბილისის მოედანი.

დ ა რ ჩ ო — ის მოდის ჩვენზე და თავს ის გვესხმის.
თუ არ დაეუხვდით,
მაშინ დაიდგი კურტანი და ზურგზე შეისვი.

ს ქ ე ლ ი მ ო ქ ა ლ ა ქ ე — მაშ ეგრე? აქ უნდა მოგვედღე,
ჩემი ქონება და ცოლშვილი სხვას ოხრად დარჩეს?

ა ღ ა ლ ო — ეე, ცხერის თავო!

ორმოცი წელი ისე იმეფა,
ჩვენი ერეკლე არასოდეს დამარცხებულა,
ახლა დამარცხდეს?

მ ო ქ ა ლ ა ქ ე — ალალო მართალია!
— ის ყიზილბაში ბედისწერას აუტანია!
— შენ ნახე ერთი, რა დღეს დავაყრიო!

ა ღ ა ლ ო — დარჩო!
იმათ რომ აქლემებს დავაყრევენებთ,
ერთს აქლემზე პირუტყულმა ყაენივით შეგვსამ
და მოედანზე ავასეირნებ-ჩაგასეირნებ!

ს ქ ე ლ ი მ ო ქ ა ლ ა ქ ე — რათა, შე ბემურაზო?

ა ღ ა ლ ო — ვაჭრობ — წუწუნებ!
ბურს სჭამ — წუწუნებ, ბევრი მიმდისო;
ახლა ომია, შემძვრალხარ შენ თავგის სოროში,
მაინც წუწუნებ...

მ ო ქ ა ლ ა ქ ე — მოდი, დარჩოს ღიბზე ხანჯალი დავკიდოთ! ჯარში
ჩავწეროთ!

ა ღ ა ლ ო — მაშ აქ გავუშვებ, რომ იპარპაშოს ლამაზ ქვრივებში?
ხმალს შემოგარტყამ გაბერილ ღიბზე
და წინ გაგიშვებ, რომ ყიზილბაშმა ჯერ შენ გატაკოს.

ს ქ ე ლ ი მ ო ქ ა ლ ა ქ ე — ხანჯალი რად შინდა?
ერთი ის ხოჯა გამომიყვანათ...
ერთი რომ დავცხო, აი, ესე...
უპ, მეთქი!

(ერთზე მიიწევს, ამ დროს შემოდის ფანოზაშვილი, მიესალმებიან)

ფ ა ნ ო ზ ა შ ვ ი ლ ი — რა ამბავი გაქვთ? რას მასლაათობთ?
აბა, ერთი მეც მათქმევეინეთ!

ა ღ ა ლ ო — ფანოზაშვილო, მდიდრებმა ხომ დასტოვეთ თბილისი?
უკან რილასთვის მობრძანებულხარ?
მითომ კეთილი განზრახვა გქონდეს?

ფ ა ნ ო ზ ა შ ვ ი ლ ი — შენ რას ლაპარაკობ?
შენს ყადრსა და ტოლს ელაპარაკე აგრე თავადებით!
ხელოსანს რა გაქვს დასაკარგავი...
ჩვენ ვიკითხოთ, რომ სიმწარით და ოფლით მონაგარი ჯარს
უნდა ვაჭამოთ.

გინდ ალა-მაჰმად-ხანს გაუოხრებია,
გინდ ერეკლეს ლაშქარს.

განა ჩვენ სხვა დროს სიკეთეში ვიყავით?

საქონელი შემოგვაქვს — ბაყი!

გაგაქვს — ბაყი!

ათასნაირი გადასახადი,
საბატონოში თუ მიიტან, ბატონსაც ბაყი!

ეს ცხოვრებაა, რომ ამისათვის თავი გავწირო?

ა ღ ა ლ ო — შენ თუ ბაყს იხდი, შენ რას ზარალობ?

შენ ჩვენგან იღებ აინ-ოინით?

ხალხო, ხომ გახსოვთ? სოლომონმა ამქრებს რა გვითხრა?
„ბაყის საქმეს მოვაგვარებო“.

რაკი სთქვა, კიდევ შეასრულებს, ეს რას მიჰქარავს!

ფ ა ნ ო ზ ა შ ვ ი ლ ი — შენ მიჰქარავ, შე ლაწირაკო!

სოლომონია ჩვენ რომ ძირს გვითხრის!

მეფეს ჯარი შეაყრევინა

და შენახვა ჩვენ დავგაკისრა...

ესლა გვინდოდა? აკარაკო, აბა დაფიქრდი?

ა ღ ა ლ ო — მაშ კოჭლი ბაღო შეინახავს, ჯაჯღანა მეღქო?

შექლება შენ გაქვს და ის ჯარი შენს დოვლათს იცავს.

შენ უნდა შეინახო, შენ და შენისთანამ...

ფ ა ნ ო ზ ა შ ვ ი ლ ი — ეე, გონს მოდი!

შენ რომ თავს იღებ, ერთი ჰკითხე მეფის ახლობლებს!

ჩვენ შორის დარჩეს,

ბატონიშვილებს შემოუთვლიათ:

ჩვენ უნდა ჩვენი საუფლისწულო დავიცვათ

და ვერ მოვალთო. შეუშვი თავში! იცი, ეს რას ნიშნავს?

ა ღ ა ლ ო — შენ ეგ ვინ გითხრა? (ყელში ჩაავლებს).

ან მითხარ ახლავ. ეგ ამბავი ვინ მოგიტანა,

ან და გაგაქრობ...

ფ ა ნ ო ზ ა შ ვ ი ლ ი — ხელი გამიშვი!

ა ღ ა ლ ო — მითხარ-მეთქი!

ფ ა ნ ო ზ ა შ ვ ი ლ ი — გამიშვი ხელი!

ა ღ ა ლ ო — ჰორებს ავრცელებ, ჰორებს...

ფ ა ნ ო ზ ა შ ვ ი ლ ი — გამიშვი!

ა ღ ა ლ ო — ხალხს გულს უტეხავ, შე ჰორის გუდავ...

ფ ა ნ ო ზ ა შ ვ ი ლ ი — მიშველეთ! რევაზ! რევაზ!

(ფანოზაშვილს ჩაქოლვას უპირებენ, ამ დროს შემოიჭრებიან:
რევაზ ციციშვილი და იესე უზბაში მსლებლებით).

რ ე ვ ა ზ ი — გაჩერდით! როგორ ბედავთ ჩხუბს და აყალმაყალს?
გიბრძანებთ მეფის მძახალი.

მესამე მოქმედება

სასახლე. თათბირი.

ერეკლე — შვილო დავით, რომელი საათია?

დავითი — ათი, ბატონო!

ერეკლე — სოლომონი კიდევ არ სჩანს?

დავითი — არა, ბატონო!

ერეკლე — არც არავის უნახავს იგი?

დავითი — არა, ბატონო! მაგრამ მოიცათ, აგერ სოლომონი!

(შემოდის სოლომონი).

ერეკლე — სოლომონ?

სოლომონი — მეფეო, მომიტევე!

ერეკლე — რად დაჰგვიანდი?

სოლომონი — ანაზღად უცნაურ ამბის მოწმე გახლდით და, მაპატიეთ, ერთი კაცი დავაპატიმრე.

ერეკლე — დააპატიმრე? ვინ? რომელი?

სოლომონი — უკეთესს თვით სინათლე ვერ ინატრებდა, მზაკვრის და ბნელის დასათრგუნად, განსაბნეველად.

ერეკლე — დიდად მაშფოთებს შენი კილო ორაზროვანი, მაგრამ, ვინც უნდა იყოს იგი,

პირობას გაძლევ,

მართლმსაჯულების განჩინების ხელმოსაწერად,

ამ ბებერ თითებს, ვით ჭაბუკი, დავიმორჩილებ!

შემოიყვანონ!

სოლომონი — დარაჯნო! პატიმარი გამოატარეთ.

(შემოყავთ რევაზ ციციშვილი).

ყველანი — რევაზ?!!

ერეკლე — ჩემი მემკვიდრის ცოლისძმა — რევაზ?

რევაზი — ვიყო მე შენი ფერხთა მტვერი, ერეკლე მეფე!

შენი მდაბიო ხელქვეითი აღვირახსნილან,

მალაღგვაროვანს აყენებენ შეურაცხყოფას,

გზად უხვდებიან და იარაღს წელიდან ხსნიან.

ერეკლე — ასე უღროოდ სად ბრძანდებოდი?

რევაზი — ჩემი ზრუნვაა, დღევრძელობა ჩემი მეფისა!

ერეკლე — მე გეკითხები, სად ბრძანდებოდი?

რევაზი — ვიყავ საქმეზე, ნათესაებში.

ერეკლე — უპირველესი ნათესავი დღეს მე ვარ შენი და ამის უარყოფისთვის აკი კიდევაც აგეკრძალა ჩვენს მიწა-წყალზე სიარული.

რევაზი — თქვენს მზეს ვფიცავ, პირველად მესმის!

ერეკლე — ქართლში ჩამოგერთვა მოურაობა.

რევაზი — მაგას მიზამდა მოშურნე მტერი.

ერეკლე — მოშურნეობით არა მთხოვდა ჩემი ძვირფასი რძალი შენთვის სასჯელის შემსუბუქებას.

რევაზი — მაშ ჩემმა დაიკომ იკისრა ეგ ვეჭილობა.

ერეკლე — დიას! შენმა დამ, ჩემმა რძალმა, პატიოსნებით სახელქებულმა, თვითონ მარიამ დედოფალმა.

რევაზი — რალა ვთქვა, მეფევე, ახლა რით ვიმართლო თავი, როდესაც ჩემი სისხლით სწორი მტრად გამხდომია?

ერეკლე — კითხვაზე მაინც არ მიპასუხე!

სოლომონი — ბოდიში მეფევე, იქნებ ის მაინც გაიმეოროს, რას ამბობდა მარკოზას ბაღში, რადგან თავის დის ორგულობამ ენა წაართვა და ეს წერილიც გადაიკითხეთ. (შიართვა წერილი).

ერეკლე — მარკოზას ბაღში?

რევაზი — დიას, გახლდით

და თუ ვსთქვი რამე, მე ყველგან ვამბობ...

რადგან ხალხის სიკეთეს ვამბობ.

ერეკლე — ჩვენც გაგვაცანი ეგ სიკეთე!

რევაზი — რაცხან მოექცე შენ რუსეთის საფარველქვეშე,

მას შემდეგ არის, მტრად გაგიხდნენ ქვეყნად

ძლიერნი:

ოსმალნი, სპარსნი და დაღესტანი,

ამიტომ არის,

რომ ჩვენზე მოდის განრისხებული ყაჯარი მამედ!

ჩვენ მასთან ბრძოლა არ შეგვიძლიან!

ამიტომ ვამბობ: დაუთმე ყაჯარს

და აგვარიღე შფოთს და სისხლის ღვრას!

შენ ეს დათმობა მსხვერპლს არ მოგიტანს,

უნდა გასწყვიტო რუსთან კავშირი!

აი, მე ეს ვსთქვი, შენც მოგახსენებ.

ერეკლე — სულ ეგ იყო. სხვა არაფერი?

რევაზი — სხვა არაფერი!

ერეკლე — მაშ შენ ქვეყნისთვის უფრო მეტად გული შეგტკივა.

სოლომონ! ამ კაცს რას ვერჩით,

როს იგი ზრუნავს უკეთესად ჩვენი ქვეყნისთვის

და უებარი წამალიც კი გამოუნახავს:
 აი, რას სწერს არღუთიანს: (წერილს კითხულობს)
 „ბებერ ირაკლის მამედ-ხანი კისერს მოუგრებს,
 უნდა ვეცადოთ, მოუგრიხოს, ეყო მეფობა!
 ყაჯართან უკვე პირობა მაქვს,
 შენ მელიქობა, მე ვექილობა მთელი ქართლისა!
 რევაზ ციციშვილი“.

პირადად შენთვის ვექილობა, უარს ვერ იტყვი,
 ასე სწერია შენს წერილში, არღუთიანს კი
 მელიქობა! ესეც გავიგე, ნათელი არის!
 მაგრამ მეფედ ვისლა ირჩევდი?
 იქნებ ისურვო და ესეც დაგვისახელო.

რ ე ვ ა ზ ი — თქვენთვის სჯობია არ მათქმევინოთ!
 რაც არის, არის!

ე რ ე კ ლ ე — ვისთან გქონდა კიდევ კავშირი? სათითაოდ დაგვისახელო.

რ ე ვ ა ზ ი — მორჩით, მეფე! ბავშვი არა ვარ, რომ ჩემი ცოდო-
 დანაშაული ვაჟკაცმა მარტო ვერა ვზიდო.

ე რ ე კ ლ ე — უსირცხვილოვ, რატომ ეგ ენა სასაზე არ მიგახმება,
 როცა შენ ვაჟკაცობაზე ლაპარაკობ? მზავალ ომში თმა გა-
 მითეთრდა, სიკვდილს პირისპირ შევბმევარ და შეეჭიდები-
 ვარ, მაგრამ ვერ მითქვამს, არასოდეს შემცვლოდეს ფერი,
 და შენ, ქურდსა, წუწკსა და სალახანას რა ხელი გაქვს ვაჟ-
 კაცობასთან?

რ ე ვ ა ზ ი — შემობრალე, ნუ მომკლავ, მეფე, ყველაფერს გეტყვი
 ოღონდ მარტო თქვენ მოგახსენებთ.

ე რ ე კ ლ ე — უტიფარო! როგორ მიბედავ?
 რომ ვყოფილიყავ ღვთისმსახურიც, უბრალო მწირი, მაშინ-
 ნაც კი არ ვისურვებდი მოწმის გარეშე აღსარების შენგან
 მოსმენას! ამათი თანდასწრებით იტყვი ყველაფერს!

რ ე ვ ა ზ ი — მომკალ, მეფე, არ შემიძლიან!

ე რ ე კ ლ ე — მხდალო, ვერაგო!
 მე თუ მომკლავენ ხვალე ბრძოლაში,
 ესენი მაინც გათქმევინებენ, ვინ გყავდა კიდევ
 მუხანათი, მფარველი შემწე!
 მოვახერხებ, ეს იცოდე, ერეკლე მეფემ საფლავიდანაც
 სიმართლის ცელით მოგჭრას თავი.
 გაათრიეთ! ჩასვით დილეგში!
 (გაჰყავთ რევაზ ციციშვილი).

სოლომონ! ნუთუ მლაღატობს ჩემი შვილი?
 შვილებთან მიველ მოწყალებისთვის,
 ვუმტვრევდი კარებს, ვითხოვდი შველას,
 მაგრამ ამაოდ! ყრუ იქმნენ ჩემთვის!
 მე ასე დავრჩი შემოძარცული!
 მითხარ სოლომონ!
 რა დავაშავე, რომ დღეს ვიმიკი მე მწარედ ნაყოფს?
 სოლომონი — ყველას ჰსურს შენი დასუსტება: მტერს და
 მოყვარეს!
 ე რ ე კ ლ ე — ჩვენი ხალხი დავაბინავე!
 სოლომონი — ერთს ჰსურს წაშალოს თვით ხსენება შენი
 ქვეყნისა.
 ე რ ე კ ლ ე — მტაცებელთაგან უზრუნველ ვყავ და უშიშარი!
 სოლომონი — მეორეს უნდა შენ დასუსტდე და ხელთ
 ჩაგიგდოს.
 ე რ ე კ ლ ე — როცა ჩემს ზრუნვას და სიკეთეს უნდა აღევსო
 თვით უმადურის დამშეული თვალის სიხარბე!
 სოლომონი — მესამეს შენი საქართველო ევიწროება,
 რომ მისი ოქრო თავისუფლად აქ ვერ ტრიალებს,
 ხოლო დანარჩენთ და, მათ შორის უმრავლესობას,
 დღეს ამოქმედებს თვითონ შენი ანდერძის წიგნი.
 ე რ ე კ ლ ე — რომ შვილებს მივეც მორიგეობით მეფობა
 და მთელი სიმდიდრე!
 მეგონა კავშირს მტკიცეს შევკრავდი
 და ეს ერთობა და ეს უფლება
 ჩვენ მოგვიტანდა ბედნიერებას
 და ძლიერებას მტრის წინააღმდეგ.
 სოლომონი — მაგრამ, ვაი, რომ კაცი ერთს ფიქრობს,
 ხოლო ცხოვრება სხვაგვარ წარმართავს.
 ე რ ე კ ლ ე — დაე ამხედრდეს ცაც, ხმელეთიც ჩემს წინააღმდეგ!
 ვიცი და მრწამს, მე მართალი ვარ,
 ჩემს გზას არ დავთმობ!
 და თუ აწ ბედი სიბერის დროს ამ შრომის ჯილდოდ
 სირცხვილის გვირგვინს წარმომადგამს დათოვლილ თავზე,
 მაშინ მელორედ ყოფნა უფრო მე მიჩვენია,
 ვიდრე ღვთის ნებით ვიყო ცამდე ზე აღწეული.
 უხმე სარდლებს!

(შემოდინ: ზურაბ წერეთელი, იოანე და დავით ბატონიშვილები, ოთარ ამილახვარი, ხუდია ბორჩალოქლი).

ბოდიშს მოვიხდი, ბატონებო, დაგაცდევინეთ.
 ზ უ რ ა ბ ი — რას ბრძანებთ, ბატონო, როგორ გეკადრებათ.
 ე რ ე კ ლ ე — დროს ნუ დავკარგავთ, დაბრძანდით.
 ზურაბ, აქეთ, ჩემს გვერდით.
 ზ უ რ ა ბ ი — გმადლობთ, ბატონო.
 ე რ ე კ ლ ე — ხუდია, მოდი ახლოს! რატომ გამდგარხარ?
 ხ უ დ ი ა — მიბრძანე, მეფევე მწყალობელი.
 ე რ ე კ ლ ე — აბა დავიწყეთ. როგორის რიგით დავხვდეთ ხოჯა ხანს?
 ს ო ლ ო მ ო ნ ი — ყველა ცნობებით დასტურდება, ორმოცი ათასი კაცით მოდის ჩვენს წინააღმდეგ!
 ხ უ დ ი ა — თურქმენთა რაზმია საფრთხილო, თორემ დანარჩენი არაფერია.
 ე რ ე კ ლ ე — ჰოდა, გვიბრძანეთ, როგორის რიგით უნდა დავუხვდეთ.
 ზ უ რ ა ბ ი — ნუ მიწყენთ, ბატონო, თუ შეგკადრით! აქ მყოფთანაც ბოდიშს ვიხდი! ბრძოლის საქმე თქვენზე უკეთ ვინ განარიგოს?
 ე რ ე კ ლ ე — შვილო ზურაბ! ომში გაძლოა ათასებისა, რომელნიც სიკვდილს შებმიან და შესჭიდებიან, ერთის კაცის ღონეს აუცილებლად აღემატება.
 ზ უ რ ა ბ ი — თქვენი სიბრძნე და თადარიგი ნუ მოგვეშალოს, ჩვენი სიცოცხლე შენ გენაცვალოს.
 ე რ ე კ ლ ე — ოთარ, შენ ბრძანე!
 ა მ ი ლ ა ხ ვ ა რ ი — მე მოგახსენებთ და მომიტყვევთ!
 ვიტყვი და მერე, როგორც სჯობდეს, ისე ინებეთ!
 ვადროვოთ, სანამ სოღანლულში შემოვა მტერი.
 მოწინავედ ჰყავთ სადუკ-ხანი, სულ ცხენოსანი!
 ყველანი სხედან ულაც ცხენებზე.
 ჩვენ რომ შეუშვათ იმათ ჯარში
 ჯოგი ფაშატის ცხენებისა,
 მე დამერწმუნეთ,
 იქ ყველაფერი თავდაყირა დატრიალდება,
 თვითონ ცხენთაგან შეიქნება იმათი სრესა,
 ხოლო ჩვენ ამ დროს უნდა დავკრათ, აღარ ვადროვოთ!
 ე რ ე კ ლ ე — კარგი აზრია, მარტო სადუკ-ხანი თუ იქნება მოწინავედ!
 შენ რას იტყვი, იოანე?
 ი ო ა ნ ე — მას ბრძოლა მივცეთ ალგეთის მარცხნით,
 სადაც ბირთვისის ციხეა მკვიდრი, მიუვალი, აუღებელი.

თქვენ აქ გამაგრდით, მე წინ გავუტევე, მოულოდნელი თავდასხმებით
 იმის ჯარს მოვლი, თან მოვაჩვენებ,
 ვითომ დავმარცხდი და უკან ვიხევ
 და ბირთვისამდე როცა მივალწევ,
 მერე თქვენ დაჰკრავთ.
 ზ უ რ ა ბ ი — იოანეს აზრი მოსაწონია
 და შეიძლება განხორციელდეს მოხერხებულად.
 ა მ ი ლ ა ხ ვ ა რ ი — არც მე ვარ წინააღმდეგი, მაგრამ მტერი რიცხვით გვეპარბობს და მარტო მოწინავეთა თარეშით მას ვერ მოვლდით.
 ე რ ე კ ლ ე — მართალს ბრძანებთ. ჯარი მცირე გვყავს.
 ერთი ამდენიც რომ გვყოლოდა,
 მოგეცათ ლხენა, მარტო ზარბაზნით მოვლიდით
 ისე, რომ მერე ოდნავი შეტევაც გაფანტავდა!
 ე რ ე კ ლ ე — მაშ, აბა ახლა მეც მომისმინეთ!
 მოხუცის ჭკუით ასე ვსჯი და იმასვე ვამბობ,
 რომ ღრმად ნაფიქრალ ომის გეგმიდან
 ბრძოლის ველზე ნატამალიც კი არ დარჩენილა.
 საქმე ის არის, უპასუხო მტრის მოქმედებას,
 რომელსაც შენ არ ელოდები
 და არც შეგეძლო წინასწარ იგი განგეხილა, წარმოგედგინა...
 რიცხვით მეტობა?
 ჩემო ხუდია, რამდენი ვიქნებოდით ასპინძასთან.
 ოსმალთა და ლეკთა წინააღმდეგ?
 ე რ ე კ ლ ე — ექვსჯერ ნაკლები, დიდო ბატონო!
 ე რ ე კ ლ ე — აზაბ ხანთან?
 ხ უ დ ი ა — თითოზე ათი მოდიოდა, შენი ჭირიმე.
 ე რ ე კ ლ ე — ყვარლის ბრძოლაში? ჭარ-ბელაქანში?
 თვით ნადირ-შაჰთან ყანდაარსა და ინდოეთში?
 რიცხვით მეტობას იქ სასწორი არ დაუხრია!
 ვიცით, მტერს დიდი ლაშქარი ჰყავს,
 ჩვენ ეს ლაშქარი უნდა თბილისის ვიწროებში შემოვიტყუოთ,
 რომ ვერ გაშალოს, ყველა ერთად ვერ ამოქმედოს.
 ხოლო ასეთი ვიწროები კრწანისთან არის.
 ჩვენ მას მოვიყვანთ სოღანლულთან, იქ ჩამოვახდენთ.
 ჯერ მცირე ჯარით შევებმები,
 რომ გათამამდეს და იერიშზე გადმოვიდეს.
 მე უკვე მამინ ტაბახმელის მალლობებიდან

თვრამეტ ზარბაზნით განუწყვეტელ ბრძოლას ავუტებ.
ბრძოლის წესიც დღეს ასე რიგად წარმომიდგება:
თუ ირანელნი სანგრებიდან კვლავ ამოვიდნენ,
მათთან შებმა ხევებში მოხდეს, ცხენიანიც დააქვეითეთ,
ომი ზარბაზნებს დააცალეთ.

ირანელნი აქეთ-იქიდან მოგეტანებიან,
მაგრამ თქვენ ამ დროს ზარბაზნის სროლის მეტს
არასა იქმთ.

როცა ისინი ასეთ ბრძოლით დაიღლებიან,
მაშინ ერთბაშად მიაწეკით და ღვით გაიტანთ.

ზ უ რ ა ბ ი — დახვედრის წესი უკეთესი არ შეიძლება.

ერ ე კ ლ ე — თქვენ რას იტყვიან?

ყ ვ ე ლ ა ნ ი — უკეთესი არ შეიძლება.

(ქუდს იხდის, პირჯვარს იწერს).

ერ ე კ ლ ე — მაშ, იოანე ბატონიშვილს სამეფო დროშა!

(თვითელი დასახლებული სარდალი მიდის მეფესთან. ეამბორება. ერეკ-
ლე თვალეში აცქერდება, თითქოს ამხნევეს. თითქოს ეთხოვება).

ზურაბ სარდალი ტაბახმელისკენ! ტაბახმელაზე არტილე-
რით — დავით ბატონიშვილი! ამილახვარი კრწანისის ველზე.
ჩემთან დარჩება ჩემი ხუდია ბორჩალოელი... კოჯრის გზაზე
დავით მაჩაბელი თავისი დასტით და, თუ მოგვისწრეს კახე-
ლებმაც...

ყ ვ ე ლ ა ნ ი — ჩინებულია, ჩინებული!

ერ ე კ ლ ე — ხვალ აბოს ნიშთან! ლამე მშვიდობის.

ყ ვ ე ლ ა ნ ი — ძილი ნებისა. (გაღიან).

სურათი. იგივე სცენა.

ს ო ლ ო მ ო ნ ი — მშვიდად სძინავს... უფალო, ჰფარვიდე მის
მყუდროებას.

რაც ბრძანა მეფემ,

მთავარი უნდა აღინუსხოს და ჩაიწეროს... (სწერს).

„ღრმად ნაფიქრალ ომის გეგმიდან ნატამალიც კი არ

დარჩენილა... საქმე ის არის... უპასუხო მტრის

მოქმედებას, რომელსაც შენ არ ელოდები...
ვიწროებში შემოვიტყუოთ... ხოლო ასეთი ვიწროები კრწა-

ნისთან არის... თუ ირანელნი სანგრებიდან კვლავ ამო-
ვიდნენ“...

გ ე ლ ა — ბატონო სოლომონ!

ს ო ლ ო მ ო ნ ი — ჩუმად! მეფეს სძინავს!

გ ე ლ ა — მაპატიე, ბატონო სოლომონ!

ს ო ლ ო მ ო ნ ი — რაო? ასე უდროოდ? განა რა მოხდა?

გ ე ლ ა — ჩვენმა მოსაზღვრე გუშაგებმა

ვილაც ყმაწვილი კაცი შეიპყრეს.

მტრის ბანაკისკენ მიჰქროდა ცხენით!

ეუყვივლეთ, მაგრამ არ ჩერდებოდა.

გზა შეეუკარით...

დამორჩილება რომ არ ინება,

ძალა ვიხმარეთ, ორი დაგვიჭრა.

შემდეგ შევბოჭეთ, წამოვიყვანეთ.

არც ვინაობას გვეუბნება, არც სახეს აჩენს!

ს ო ლ ო მ ო ნ ი — შემოიყვანე! ვინ უნდა იყოს?

ვისი შიკრიკი?

(შემოჰყავთ ყაბალახშემოკრული და ნაბადში გახვეული).

ვინ ხარ? (ხმას არ სცემს)

რად სდუმხარ?

გიჩევე გამოტყდე...

მტერთან მიგქონდა საიდუმლო რამე ცნობა?

სთქვი, ვინ ხარ-მეთქი!

გელა, შემოხსენ ყაბალახი!

ო ე კ ლ ე — (ტირლით ძირს დაეცემა). ძია სოლომონ!

ს ო ლ ო მ ო ნ ი — თეკლე... ბატონიშვილო!

გ ე ლ ა — მეფის ასული! ვაი ჩვენს თავს...

თ ე კ ლ ე — მამას ნუ ეტყვიან.

ს ო ლ ო მ ო ნ ი — ადექ, ბატონიშვილო. (აყენებს).

ჩემი თავი შენ შემოგვევლოს...

(დარაჯს).

გელა, შენ წადი... არაფერი სთქვა...

გ ე ლ ა — მესმის, ბატონო!

(მხედარი გადის).

ს ო ლ ო მ ო ნ — იყუჩე, თეკლე!

გული მოიბრუნე... არაფერია... ნუ გეშინიან...

მიტხარ, რა მოხდა? რამ გაიძულა?

თ ე კ ლ ე — გზიდან დედაჩემს გამოვეპარე...

ფარულად მოველ სასახლეში...

ვნახე საჭირო იარაღი და ტანსაცმელი...

და ისევ უცბად მტრის ბანაკისკენ...

შურისძიებით ამევესო გული.

ახრანგის რაზმი იქ დაამარცხეს...

თვითონ ვახტანგი იქ ტყვედ შეიპყრეს.

ან იქნებ მოჰკლეს...

რომ ჩემთვის ხელი არ შეეშალათ...

სოლომონი — მადლობა უფალს, რომ შეგიშალეს...

თეკლე — შაჰის ბანაკში შევიჭრებოდი,
მოვკლავდი მტარვალს, შურს ვიძიებდი
და შემდეგ თუნდა მეც მოვეკალი...

სოლომონი — მერე მეფისთვის რა პასუხი უნდა გამეცა?

თეკლე ბატონიშვილო!

მაცხოვარს ვფიცავ,

შენთვის კეთილის მოსურნე ვარ!

რატომ არ მკითხე? რჩევას მოგცემდი!

ბატონიშვილო, აღარ მენდობი?

თეკლე — გენდობი, მაგრამ... რომ მეკითხა, ნებას დამრთავდი?

სოლომონი — დაგრთავდი, რატომ... მაგრამ მარტო შენ...

უნდა ვეცადოთ, მტერი შევმუსროთ,
მაგრამ ცალცალკე შებრძოლება უაზრობაა.

ჩვენ წინ მიგვიძღვის მამაშენი, მეფე ბატონი,

იმის ბრძანებას ყველა უნდა დაემორჩილოს!

ასე მარტო კი...

შენს თავს საფრთხეში ჩაადგებდი და ვერცა რამეს

მტერს დააკლებდი...

ხოლო მამაშენს მწუხარებას დაუმატებდი

და განა მეფეს დარდი აკლია?

ხომ იცი, შვილო, მოხუც მამას რარიგ უყვარხარ

და რომ შენ მტრისგან დაგმართოდა რამე ხიფათი,

რა უნდა მეტქვა, მე უბედურს, შენს ერთგულს ძიას!

მტერი მძვინვარე და ძლიერია.

იმასთან შებმა ვაჟკაცებსაც გაუჭირდებათ

და შენ ხომ, შვილო, ჯერ ბავშვი ხარ, მეფის ასული.

თეკლე — (ეწყინა). რატომ ვარ ბავშვი?

განა მე ვისზე რა ნაკლები ვარ?

ბავშვად რად მთვლიან,

როცა მე არცერთ ნაქებ ვაჟკაცს არ ჩამოვრჩები

არცა ჯირითში, არც სროლაში და არცა ხმალში!

ვახტანგი — (უცხად შემოდის).

ბრძოლას აპირებ, ბატონიშვილო?

თეკლე — ვახტანგ!

სოლომონი — ვახტანგ!

თეკლე — ეს როგორ მოხდა?

სოლომონი — ასე უეცრად...

თეკლე — ეს ცხადი არის, თუ სიზმარია?

სოლომონი — მოიცათ, მეფეს არ გაუღვიძოს!

თეკლე — დაჭრილი სჩანხარ! ხომ არ გაწუხებებს?

ვახტანგი — არაფერია, ბატონიშვილო!

სოლომონი — მოდი აქ, შვილო, დაისვენე...

ვახტანგი — მე არც მეგონა, გადავრჩებოდი.

სოლომონი — ჰო! როგორ მოხდა? რა სასწაულით?

აბა, გვიამბე!

ვახტანგი — პირველი დამჭრეს, აზრი წამერთვა.

როცა გონს მოველ, უკვე ტყვედ ვიყავ!

ვილაცამ გვიმტრო! ვილაცამ გაგვცა!

ჩემი რაზმიდან აღარც ერთი გადარჩენილა.

მე იმავე ღამეს მიმიყვანეს იმ ქოსა ხანთან,

მიცქერს, მეც ვუცქერ! სანახავად შესაზარია,

საშინელება! ძვლებადქცეული, ლოყებდამჰკნარი.

ბევრი ჯარი ჰყავს, ეს მართალია,

ათი ათასი ცხენოსანი დაახლოებით.

ქვეითი ჯარი უფრო მეტი!

ამ ჯარის უკან ჯარზე მეტი ბრბო მცარცველების,

მაწანწალების,

შემოკრებილნი ყოველ კუთხიდან!..

ზარბაზნები კი სულ არა სჩანდა!

დამპირდა მრავალ ბედნიერებას,

არ დაიშურა მეფის გვირგვინიც,

სთქვი, რა იციო.

თეკლე — მერე, შენც სთქვი?

ვახტანგი — მეც მოვუყევი დარზე, ავდარზე.

გაბრაზდა, მაგრამ როგორ გაბრაზდა!

თვალის კაკლები გადმოყარა

და ჭყეტით დარჩა.

რო ვერას გახდა, გამოგზავნა ჩემთან ჯალათი,

ჩემს მოსატეხად, შესაშინებლად.

თეკლე — მერე, მერე?

ვახტანგი — მაგრამ ამაოდ.

ამ დროს უეცრად

ვილაცამ ჩასცა ხანჯალი ჯალათს.

შევხედე, ვიცან ჩემი მხსნელი...

გამომიტაცა...

მოვახტით ცხენებს, მოგვეყვა მდევარი.

შეგვიკრეს გზები!

ვინც მე დამიხსნა, ცხენი მოუკლეს,

ძირს დაცემულმა შემომძახა: თავს უშველეო!

და აღარ ვიცი, რა ბედს ეწია!

თ ე კ ლ ე — ნეტა ვინ იყო ის მადლიანი?

ს ო ლ ო მ ო ნ ი — ვინ იყო მხსნელი?

ვ ა ხ ტ ა ნ გ ი — ალი-სადუხ-ბეგი!

ს ო ლ ო მ ო ნ ი — მადლობა ვაჟკაცს!

მეფე მის ამავს არ დაივიწყებს.

გათენებულა! ჟამია უკვე!

წავალ, ერეკლეს შევატყობინებ. (გაღის).

ვ ა ხ ტ ა ნ გ ი — ბატონიშვილო,

თქვენ რა ვაჟურად გამოწყობილხართ?

თ ე კ ლ ე — შენ ეს არ იცი და ნურც გაიგებ.

ვ ა ხ ტ ა ნ გ ი — საიდუმლოა?

თ ე კ ლ ე — ჰო, საიდუმლო!

ტყვედ დამიჭირეს, ნება არ მომცეს!

ვ ა ხ ტ ა ნ გ ი — ტყვედ დაგიჭირეს?

აქ სასახლეში მამ როგორ მოხვდი?

თ ე კ ლ ე — საიდუმლოა!

ეს უნდა მართო მე ერთს მცოდნოდა!

ვ ა ხ ტ ა ნ გ ი — და საიდუმლო შენი გაიგეს?

თ ე კ ლ ე — ვნანობ, ჩემს მიზანს ვერ მივალწიე!

ვ ა ხ ტ ა ნ გ ი — რა დაბრკოლება გადაგეღობა?

მითხარ და მზად ვარ, ბატონიშვილო!

რომ იყოს ცეცხლი, ყინვად მივიღებ,

უფსკრულის საფრთხეს — ვიწრო ბილიკად!

როცა მტერს ვებრძვი, ჩემს მარჯვენას შენ ამახვილებ

და როგორც დროშა, შენი სახე სულ წინ მიმიძღვის!

როცა ჩემს წუთებს სიცოცხლისას სთვლიდა ჯვალთი,

გულში მცირედაც არ მიგრძენია სიკვდილის შიში,

რადგან მე შენის სიყვარულით აღსავსე ვიყავ!

ბატონიშვილო!

რა უნდა იყოს ქვეყნიური ბედნიერება,

რა უნდა იყოს სიხარული და ან სიამე,

თუ მუდამ თვალწინ მე არ მიდგას ძვირფასი თეკლე,
შთამგონებელი მაღალ გრძნობის და ვაჟკაცობის!

თ ე კ ლ ე — ვიცი, შენ მართლა შეგძლებია საგმირო საქმე,
ვიცი, შეიძლებ უფრო მეტსაც მომავალშიაც...

მაგრამ მე რატომ არ მაცალეს?

შენ უკვე შესძელ, რაც მე მიზიდავს

და ჩემში გრძნობებს ვარდებად ფურცლავს.

და ვნანობ-მეთქი, რომ არ მაცალეს!

იქ შენთან ერთად მეც ვყოფილიყავ,

სადაც საფრთხეა და გაჭირვება!

ვ ა ხ ტ ა ნ გ ი — მამ ჩემთან ერთად შენც აპირებდი?

შენ აპირებდი! შენ? ნუთუ ჩემთან?

თ ე კ ლ ე — ჰო, შენთან, ვახტანგ! დაგიმტკიცებდი, რომ შემიძლიან...

მოიცა, აგერ ხმაური ისმის...

მამას ვერა, ვერ ვეჩვენები!

გახსოვს, მე გითხარ:

„ჩემს მიჯნურს უნდა ამშვენებდეს ჭრილობის დალი“,

ჭრილობა უკვე შენ მიიღე, სახელოვანო!

თუ გსურს შენს ხმალსა ამშვენებდეს ჩემი მანდილიც,

დაიცავ ჩემი საიდუმლო

და მე ერეკლეს ქალად აღარ ვიწოდებოდე,

თუ...

ვ ა ხ ტ ა ნ გ ი — მიბრძანე, მორჩილს, ბატონიშვილო...

თ ე კ ლ ე — მაშინ მეც შენთან ჭირსა და ლხინში. (გარბის).

ვ ა ხ ტ ა ნ გ ი — თეკლე! თეკლე!

(შემოდის ერეკლე).

დღეგრძელი იყოს მეფე ბატონი!

ე რ ე კ ლ ე — ორბელიანო! შეილო ვახტანგ!

მოდის ახლოს, გულში ჩაგიკრა!

(გულში ჩაიკრავს).

გმადლობ, უფალო! მტერი ჩემზე არ გაახარე...

მეტეხის დაბლა, აბოს ნიშთან.

მ ო ქ ა ლ ა ქ ე — (ღუღუღა მღერის). ვინა სთქვას, ძმებო, ერეკლეს
ქება?

მოსული მტერი

დნება და ჰქრება!
 საწყალი კაცი სულ ფეხზე დგება...
 თქვენ გენაცვალეთ, თქვენი ჭირიმეთ.

მოქალაქენი — ჯან! ჯან! იფ, შენი გულისა!
 მოქალაქე — (ღუღუჭზე). ერეკლე ქვეყნის არის ბადალი,
 მოიგერია მტერი მრავალი,
 მას ეჯავრება კაცი ჯაბანი,
 თქვენ გენაცვალეთ, თქვენი ჭირიმეთ.

დარჩო — არ მოიწყინოთ, თქვენს მარჯვენას ვენაცვალე!
 აბა, ინებე შემწვარი სუკი!

სქელი მოქალაქე — იმის მკლავს გაუმარჯოს, ვინც ხვალ
 ბრძოლაში თავს ისახელებს.
 დაასხი, დალიე! აუვსე, გადადი.
 (ლხინობენ. მოქალაქენი უმასპინძლებიან).

ხევსური — სულ აქ არიან ლომებრ ვაჟკაცი, სახლში დავტო-
 ვეთ მხოლოდ ბებრები.

ქართლელი — ბებრისა რქანიც ეწევიანო,
 ჩვენც წაგვიყვანეთ, გვეძახიანო.

ქიტელა — ბებერს რას ერჩით, მე აქ არა ვარ?
 ბრძოლის წინ, ძმებო, გულიანად უნდა ვილხინოთ!
 რამდენი წვეთიც ღვინო დავლიოთ,
 იმდენი მტერი მკვდრებში გავრიოთ!

ხევისბერი — გავიგეთ, მეფეს გაუჭირდაო,
 შევიყარენით არაგველები
 მაგრამ მოვარდა ვილაც ოხერი,
 გვითხრა: ერეკლემ ზავი დაუდო,
 სად ოხრობაში მიიჩქართო, ალბათ, ის კაცი ეშმაკის იყო.

ხევსურები — ჰაი, ჰაი, ეშმაკის იყო!
 მიწამ ჩაყლაპა, ცამ პირი უყო.

კახელი — ხევსურო, ხმალი შენ გიჭრის,
 შენ ხარ ნაქები ბარადა:
 ღვინოს რო დაგაღვეინებ,
 არ ღირხარ არც ერთ ფარადა.

ხევსური — კახელო, ქების ღირსი ხარ,
 ღვინოში დაგიკვებია.
 ფხიზელი მუნჯი მგონიხარ,
 მთვრალს ჩხუბი აგიტეხია;
 სალხინოდ მოსულ სტუმრისთვის

თავიც კი გაგიტეხია. (იციინან).

დარჩო — აბა, თქვენ გენაცვალეთ, ისიამოვნეთ. ვაპ რა მწვადე-
 ბია! ვაპ რა ღვინოა!

გუშაგი — შენს ენას ვენაცვალე!..
 ვინ არის ჩვენში მშიშარა — სულ ლომები არიან!

გელა — წავალ და დავკრავ, მოსულ მტერს დავკრავ,
 გამარჯვებული შინ დაებრუნდები,
 ქორწილს გადვიხდი იმ შავთვალასთან.
 სტუმრებს მოვიყვან დართულ ურმებით.

მოქალაქენი — ჯან! ჯან! შენ გენაცვალე მკლავ-მარჯვენაში.
 იმერელი — ძამია, შენი ქორწილი ხვალ ბრძოლის ველზე
 იქნება, თუ ივაჟკაცე და ხოჯა-ხანის მოპარსული თავი
 მეფეს მოართვი, ოთარ სარდალი თავის ქალიშვილს შენ
 მოგათხოვებს და ზურაბ წერეთელი მაყრად გამოგყვება! და-
 მიჯერე, ასე უთქვამს გუშინ ოთარ სარდალს.

მოქალაქე — დიდხანს იცოცხლე, ზურაბ წერეთელო... ჯან! ჯან!
 ჯერ კიდევ უჭრის ერეკლეს ხმალი,
 თუ მტერს უწია, ვაპ მისი ბრალი.

მოქალაქენი — ჯან! ჯან!

გუშაგი — ჰეი, ვაჟკაცი ვინ არის,
 ფშავ-ხევსურ-იმერ-ამერ?
 ვინც ასახელოს ერეკლე,
 სცოცხლობდეს მრავალყამიერ.

ხევსური — (ქიტელას).
 ქიტელ! ამბობენ:
 დიდძალი ჯარით მოდის მტერიო!
 ამას იმიტომ არ მოგახსენებ — მტერმა შეგვაკრთოს.
 მე გაგახსენებ:
 ერთხელ მე და შენ ერეკლეს რომ ცალკე ვუთხარით!
 ვსთქვათ გავიმარჯვეთ...
 მტერი მაინც არ მოგვასვენებს...
 არა, ჩემმა მზემ...
 აი, უცქირე იმ არაგველებს,
 მხოლოდ სამასი ძლივსლა მოგროვდა...
 გაწყდნენ ვაჟკაცინი!
 გწამდეთ, ესენიც ძვლებს აქ ჩაჰყრიან...
 თქვენ ძმობას ფიცავ, ასე იქნება!
 მტერს კი ჩვენ ლაჩრულ ზურგს არ ვუჩვენებთ!
 და თუ ჩვენც გავწყდით, ბალებს ვინ დაზრდის?

ჩვენ რაც ვუთხარით ერთხელ ერეკლეს

— გახსოვს, იქ, მთაში? —

ის აზრი კიდევ გავუმეოროთ!

კავშირი გვინდა!..

მფარველობა დიდი ხელმწიფის...

ქ ი ტ ე ლ ა — ღვთისავე, ჩემო!

ახლაც ელჩები მოსკოვს არიან!..

თვითონ ერეკლემ ასე მიბრძანა...

ვინ იცის, იქნებ, მოდიან კიდევ დასახმარებლად!

ხ ე ვ ს უ რ ი — შენ გაიხარე...

(დაიწყო სიმღერა და ცეკვა. შუა ცეკვის დროს შემოჰკრეს სიონის ზარებს, რომლის ხმაზე მთელი ხალხი გაქეფდა და სმენად გადაიქცა. საყვირთა ხმაზე შემოდის ერეკლე, ვარშემორტყმული თავისი სარდლებით. იგრილა ხალხმა: „ერეკლე, ერეკლე, ერეკლე მეფე!“ დაეცნ მუხლებზე და ქუდები მოიხადეს, ერეკლე წამოვიდა წინ, შეწყდა ზარების რეკვა).

ე რ ე კ ლ ე — აბო თბილელი, წამებულო, წამებულ თბილისს

ნუ გახდი მტერთა სათელად!

ერმა შეგმოსა სიყვარულის შარავანდედით

და შენს ნათელ ხელს ჩააბარა დედაქალაქი!

დღესაც მფარველი შენა ხარ მისი

და ჩვენს თბილისს შენ შეგავედრებთ,

შენ დალოცე ჩვენი მარჯვენა,

შემუსროს მტერი მოძალადე, შემოსეული,

დაიცავ ხალხი, მოეც ძალა გასამარჯვებლად.

(წამოდგა).

აღზღვეით შვილნო და მომისმინეთ!

აი, ამ თბილისს, საქართველოს გულს, დედაქალაქს,

სისხლის წვიმობა დასდგომია ურდოებისგან.

მღვრიე ტალღებად წამოსულან არაბ-მონგოლნი,

სპარსნი, ხარაზნი, ლეკნი, ოსმალნი!

ჯალალედინმა ორჯერ რისხვა თავს დაატეხა,

გამარჯვებულმა ზედ სიონზე ტახტი დაიდგა

და სიმალლიდან დასცქეროდა ხალხის წამებას.

აიღო, დასწვა ბულა-თურქმა, მცხოვრებნი მოსრა

და ბაზარს მისცა გასაყიდად ახალგაზრდობა.

რისხვით მძვინვარე თემურ-ლენგმა რკინით დაღეწა,

რვაჯერ აიღო და ცეცხლს მისცა დედაქალაქი,

ხოლო ბავშვები თვით ცხენოსანთ გააღეწინა.

ისმაილ-შაჰმა, ლალა-ფაშამ და შაჰ-თამაზმა

მოსრეს, წაბილწეს და სინდისი ერს შეუგინეს,

მაგრამ თბილისი, როგორც ხედავთ, ისევ ამაღარა,

გოდების ნაცვლად ისევ ლხინი გაჩაღებულა,

ჩვენი სიონი და მთაწმინდა ამაღლებულა!

ვისი წყალობით?

თქვენი მშრომელი წინაპრების, დიას, წყალობით

და იმ გმირების, ვინც უტეხად მტერს შეეგება!

და ნუთუ ახლა ქართველის ხმალი ისე დაჩლუნგდა,

რომ უსამართლოდ შემოსეულს პასუხს ვერ გავცემთ?

ხ ა ლ ხ ი — გავცემთ პასუხს, გვიბრძანე, მეფე!

გვიბრძანე, ერეკლე!

(სარდლები ხმლებს დახრიან ერეკლეს წინაშე).

ე რ ე კ ლ ე — უფალო, იხსენ ერი შენი, დაამკვიდრე სამკვიდრე-
ბელი შენი!

(დაჰკრა საომარმა მუსიკამ. ერეკლემ ხმლით გადაუჭრა სარდლებს ხმლები, წამოდგა წინ და ხმლით ანიშნა ბრძოლის ველისკენ. დაიძრა ჯარი სიმღერით).

მეოთხე მთავარი

კრწანისის ბრძოლა

ერეკლე, ხუდია, ვახტანგ და თეკლე (დარაჯად).

ხუდია — აგერ, ბურუსი გადაიყარა...
 ვახტანგი — ირანელების ჯარი გამოჩნდა.
 ხუდია — ცხენოსანია!
 ვახტანგი — ქვეითი მეტობს!
 აჰა, გავარდა ზარბაზანი!..
 ხუდია — ალაჰ! შენ მოეც მეფეს გამარჯვება!
 მეფევ ბატონო!
 მოგეხსენება, უქმად დგომა ძნელია ჩემთვის!
 მე რას მიბრძანებ?
 ერეკლე — დამშვიდდი, ხუდია!
 ვახტანგი — ჩვენს წინა რიგებს აქეთ-იქიდან ეტანებიან.
 ხედავ ერთმანეთს თვითონ ჰქელავენ!
 ხუდია — შენს მზეს, ბატონო, მიბრძანე რამე.
 ერეკლე — ჩემთან იქნები!
 ხუდია — გული ვერ ითმენს.
 ერეკლე — ხუდია! ჩვენი დროც მოვა!
 სოლომონი — (შემოდის). მეფე ბატონო!
 სახელდახელოდ შემდგარი ჯარი ელის ბრძანებას!
 ერეკლე — სულ რამდენია?
 სოლომონი — ხუთასი, ბატონო!
 ერეკლე — დავგვირდებიან! ჯერ დაიცადონ!
 სოლომონი — (თეკლეს შეამჩნევს). შენ, ყმაწვილო!
 თეკლე — ჩუმად, სოლომონ!
 სოლომონი — როგორ იქნება!..
 თეკლე — შენ სთქვი, მარტოკა არ იქნებაო!
 ახლა ხომ თქვენთან...
 სოლომონი — მამაშენი...
 თეკლე — (ნახევარის ბრძანებით). გაჩუმდი, სოლომონ!
 ერეკლე — სოლომონ!
 სოლომონი — აქ გახლავარ!
 ერეკლე — მაჩაბელს უთხარ, ასამდე კაცი,
 მჭედელ ალალოს მეთაურობით,

დავითს აახლოს!
 აბა, ისწრაფე! (სოლომონი გადის).
 (თეკლეს). შენ კი, ყმაწვილო.
 აფრინე ცხენი, სწრაფად! დავით ბატონიშვილთან.
 ვახტანგი — მე მიბრძანე...
 თეკლე — მეფევ, მე მზად ვარ...
 ვახტანგი — მაგას მე შეეძლებ... იქ ბრძოლა არის...
 ერეკლე — შენ აქ მჭირდები!
 უთხარ, რომ მტერი განგებ იხევს და არ მოტყუვდეს...
 აგრეთვე უთხარ — მოგივა-თქო დამხმარე ჯარი!
 აბა, სწრაფად! (თეკლე გადის).
 ვახტანგი — რა ვქნა, როგორ გადავარჩინო...
 გზაში საფრთხეა და სიკვდილი...
 ბატონო მეფევ, თქვენ რომ იცოდეთ, ის... შემძლიან.
 ერეკლე — ვიცი, შეგიძლიან!
 გელა — (შემოდის). მეფევ ბატონო!
 ერეკლე — ვინ ხარ? საიდან?
 გელა — გელა გათენაშვილი;
 მიკრიკად მგზავნის იოანე ბატონიშვილი!
 იოანეს ჯარი შემოიმწყვდიეს
 და მთელი ძალა მას მიაყარეს!
 თუ არ უშველით, განსაცდელშია!
 ერეკლე — წადი და უთხარ:
 ამილახვარი დაეხმარება,
 ნაბრძანებია უკვე აღრევე.
 გელა — იყავ დღეგრძელი! (გადის).
 ხუდია — ხედავთ, იოანე ბატონიშვილმა
 გამოასწორა სახიფათო მდგომარეობა.
 ფერდობებიდან ქიზიყელები დაეშვნენ რისხვით...
 ჩვენები უკვე სანგრებს სტოვებენ
 და იერიშით მიდიან მტერზე.
 ერეკლე — არ არის კარგი! ფიცხობს იოანე!
 ხუდია — მილეწ-მოლეწა...
 ჯარი შეტბორდა!
 ალაჰ! მარცხნიდან გზა გადაუჭრეს...
 მიბრძანე, მეფევ, მიბრძანე, შენი ჭირიმი!
 ერეკლე — მოითმინე!
 ვახტანგი — მარჯვნიდან ზურაბ წერეთელი წამოეშველა...
 ზურაბმა დასცა! დროშა წაართვა!

უჰ, როგორ დაჰკრეს.. აგერ გარბიან...
მალხაზ-შიკრიკი — მტერი გარბის, ბატონო. მეფევე...
ირანელები ახლო მოვუშვით, როგორც გვიბრძანე.
ცხვრის ფარასავით გვაწყდებოდნენ ზარბაზნის ცეცხლზე,
უკან წყებამ არ იცოდა წინ რა ხდებოდა,
აქეთ-იქიდან გვეტანებოდნენ,
მაგრამ ჩვენებმა უცხად დაჰკრეს, მტერს მიეძალნენ,
მირეგვ-მორეგვეს, რაც კი წინ დახვდათ
და ვინც გადარჩათ, შავნაბადისკენ
დაახვეინეს არევე-დარევეთ.
გუშაგი, მე-2 შიკრიკი — მეფევე, მალქათა წამოვიდა ახალი
ჯარის

სულ დარჩეული ცხენოსანი, ხმლებით, შუბებით.
მათი წამოსვლა მტკვრის ნაპირებს აზანზარებდა.
ალყაში მოჰყვნენ იოანე და ამილახვარი!
მე-3 შიკრიკი — მეფევე, ჩვენია გამარჯვება!
მტერი დამარცხდა და ჩვენ დაგვრჩა მათი დროშები,
სარდლებმა ამის მახარობლად მე გამომგზავნეს...
ერეკლე — რომ დღეს მარგუნეს სიხარული, მადლობას ვიხდი,
მაგრამ რაც ჰქმნეს, გამარჯვებად არ ჩაითვლება:
განა თქვენ შეხვდით ჯაფარ-ყული-ხანს?

1-ლი შიკრიკი — არა, ბატონო!
ერეკლე — მაზანდარელთა ცხენოსან ჯარს შეებრძოლენით?
მე-2 შიკრიკი — სულ არ გვინახავს!
ერეკლე — რომ არ გინახავთ,
არც სანგრებს უნდა გასცილებოდით!
ჯაფარ-ყული-ხან, ძმა ხოჯა-ხანის,
დიდი სარდალი, გამოცდილი მრავალ ომებში,
ჯერ უკან არის მაზანდარელ რჩეული ჯარით.
აი, ის არის ჩვენთვის საშიში
და რომ თქვენ სტოვებთ სანგრებსა და წინ გადადიხართ,
ამით აშკარა ხდება მტრისთვის ჩვენი სისუსტეც
და ჩვენი ძალაც.
მტერს სურს და სცდილობს გაგვიტყუოს გაშლილ მინდორზე,
ჩვენ კი აქ გვინდა ამოვახრჩოთ, ამ ვიწროებში.

(ასტყდა ზარბაზნების სროლა).
ვახტანგი — რა ამბავია? ნუთუ იერიში განაახლეს?
ერეკლე — ალბათ, ის მოდის, ჯაფარ-ყული-ხან!
საბედისწერო ბრძოლა, აი, ახლა იწყება!

ვახტანგი — დავითი აქეთ ცხენს მოაქროლებს...
ერეკლე — წადით, გადაეცი: სროლა გაბმული!
ერთმა მეორეს თოფი უტენოს. შემწე ღმერთია!
(შიკრიკები გალიან. მეორე მხრით შემოდის დავით ბატონიშვილი).
დავით, რას ნიშნავს?
დავითი — გამოჩნდა ჯარი მაზანდარელთა...
იმათ უშენენ... ბრძოლა რთულდება.
ერეკლე — შენთან ყმაწვილი გამოგვზავნე, გატყობინებდი...
დავითი — არ მინახავს, არტილერია უკან დავწიე.
იქ, სადაც ვიდექ, ახლა ბრძოლაა
და თუ შიკრიკი იქ მოეტანა,
ან ტყვედ იქნება, ანდა მკვდარია!
ვახტანგი — როგორ თუ მკვდარი? მეფევე, ვიხსნი, ნება მიბოძე!
ერეკლე — აწ გვიან არის.
ვახტანგი — (თავისთვის). ვაი ჩემს თავს!
თქვენ რომ იცოდეთ...
მაშ რაღად მინდა თავი ცოცხალი?..
მეფევე, გამიშვი!
ერეკლე — აქ საჭირო ხარ უფრო მეტად!
დავითი — მე შემოდლიან შევაჩერო მტერი მცირე ხანს,
შემდეგ არ ვიცი...
რადგან მე ხალხი ძლიერ ცოტა მყავს!
და თუ ზარბაზნებს მოუახლოვდნენ,
მაშინ უქმდება შესაძლებლობა,
ჯარი მჭირდება!
ერეკლე — ჯარი მოგივა!
გამოიყენე მოქალაქენი... მშვიდობით!
დავითი — მშვიდობით, პაპავ!
გწამდეს, ცოცხალი არ დავნებდები
და რომ გიორგი მამაჩემმა გაჭირვების დროს
თავისი ჯარი კახეთიდან არ მოგვაშველა,
საფლავიდანაც საყვედურს ვეტყვი!
ერეკლე — შენთან არს ღმერთი, შვილო დავით!
ვახტანგი — მეფევე ბატონო...
ერეკლე — შენ აქ სოლომონს დაელოდები...
უთხარ, კოჯრის გზას მიაშუროს! მტერს გზა შეუკრას...

(ხუდიას).

ეხლა კი, ძმაო, ჩვენი დროც დადგა!
ჩქარა ცხენები!

ხ უ დ ი ა — შენ იღლეგრძელე! ჩქარა ცხენები! (გაიან).

ს ო ლ ო მ ო ნ ი — (შემოდის). მეფე სად არის?

ვ ა ხ ტ ა ნ გ ი — მე აქ დამტოვა... თქვენს შესახვედრად...

მაგრამ... სოლომონ...

მეფემ გაგზავნა... თუკლე გაგზავნა...

პირდაპირ ცეცხლში...

ს ო ლ ო მ ო ნ ი — მაგას ვშიშობდი, მაინც არ აგვცდა...

რომ ვერ შესძლებდა ის მძიმე საქმეს...

თ ე კ ლ ე — (შემობრბის). შევეძელ, სოლომონ!

ვ ა ხ ტ ა ნ გ ი — ბატონიშვილი!

ს ო ლ ო მ ო ნ ი — შენ გაიხარე!

ვ ა ხ ტ ა ნ გ ი — როგორ გადარჩი?

თ ე კ ლ ე — ცხენმა მიშველა! ჩქარა კოჯრისკენ!

შევხვდი და ასე დამავალა: ჩქარა კოჯრისკენ!

ს ო ლ ო მ ო ნ ი — ბატონიშვილო, შენს თავს არ ზოგავ...

ნუთუ არ იცი, პასუხს მე ვაგებ!

თ ე კ ლ ე — ეგ შემდეგ... შემდეგ...

თუ ბრძოლა არის, დე ბრძოლა იყოს.

იცი, რა ვნახე?

უცბად მტრის გულში შეიჭრა მამა...

ბორჩალოელნი მისდევდნენ უკან!

ვილაც სარდალი ცხენოსანი გადაეღობა,

აღმართა ხმალი, უნდა დაეკრა.

მაგრამ დაასწრო მამაჩემმა ელვის სისწრაფით...

და სარდლის თავი დაბლა გაგორდა!

აბა, წავიდეთ, ჩქარა წავიდეთ!

ვ ა ხ ტ ა ნ გ ი — ბატონიშვილთან კოჯრის გზისკენ!

ს ო ლ ო მ ო ნ ი — სჩანს რკალს გვარტყამენ! ეხ, მეფევე ჩემო!

შემოგისიეს, გილალატეს, ჰსურთ დაგაჩოქონ,

რომ დააჩოქონ მით საქართველოც!

ეს არ მოხდება! არაოდეს!

მოქალაქენო, ჩვენი დროც დადგა!

მ ო ქ ა ლ ა ქ ე ნ ი — სცოცხლობდეს ჩვენი მეფე ერეკლე!

ალა-მაჰმად-ხანის კარავი

ალა-მაჰმად. — აა! რა ხდება ეს?

ჩემი ძლიერება იმსხერევა თბილისის კედლებთან...

ნუთუ აქ უნდა მომეღოს ბოლო?

ნუთუ ერეკლემ ჩემი ჯარი გაანადგუროს?

მე ტყვედ ჩამიგდოს!

მაშინ რა მოხდეს?

(ელანაცემი). აა!

ქართველთა მეფე ირანის ტახტზე!

არა! დაინგრეს ყველაფერი! სიკვდილი ყველას!

აგერ ბრძოლა!

თითქოს ჩემები უკან იხევენ!

თითქოს უწიეს ჩემს კარავამდე...

ჩემი სარდლები იხოცებიან!

ჩემი დროშები იქელებიან...

რატომ? ვის გამო?

საფარ!

შემოათრიე, ვინც მიღალატა და გააქცია ორბელიანი!

(საფარ გადის).

რა სამსახურიც გამიწია მე ციციშვილმა,

მან, ერთმა ძალღმა შემოჩენილმა,

სრულად მომიშპო!

(შემოჰყავთ ალი-სადუხ-ბეგი).

შენ ვინ ხარ? სადაური ხარ?

ს ა დ უ ხ — ყარაბაღელი ალი-სადუხ-ბეგ.

ა ღ ა — ვინ მიგიღო ჩემს ჯარში?

ს ა დ უ ხ — შენმა სარდალმა.

ა ღ ა — იბრაჰიმ-ხანთან, იმ მოღალატესთან, მსახურობდი? შენ მისი

მოჩენილი ხარ! მან დაგავალა ქართველებს ცნობა მიაწოდო.

კაცი მომიკალ, ჩემი ერთგული. ჰღალატობ ალაჰს? ჰღალა-

ტობ მაჰმადს და ქართველების მხარი გიჭირავს?

ს ა დ უ ხ — მე ჩემი რწმენის ერთგული ვარ, დიდო მბრძანებელო.

ა ღ ა — რა არის შენი რწმენა?

ს ა დ უ ხ — ალაჰი ბრძანებს: იყავ ყველასთან სამართლიანი და მაშინ

გასჭრის მახვილი შენი.

ა ღ ა — ალაჰ! განა მე სამართლიანი არ ვარ?

ს ა დ უ ხ — შენი სიმართლე ირანს სჭირდება, ეს კი გურჯისტანია.

ა ღ ა — გურჯისტანია?

ს ა დ უ ხ — გურჯისტანს ჰყავს თავისი ხანი და აქვს თავისი სიმარ-

თლე. წადი ირანში! შენი ტახტი იქ განამტკიცე.

აღა — ამიტომ მილალატე და ვახტანგ ორბელიანი გააპარე? სიკვდილი შენ!

სადუხ — ვერ ეღირსები: ვერც გამარჯვებას და ვერც ყაენის სახელწოდებას!

აღა — გაათრეით! (გაჰყავთ).
რა სთქვა ძაღლმა...
„შენი სიმატლე ირანს სჭირდება“
და განა გურჯისტანი ირანს არ ეკუთვნის?
(ნერვიულად). ეკუთვნის... ეკუთვნის-მეთქი!

ყული-ხან — დიდო მბრძანებლო, მაშველ ჯარს თხოულობს ჯაფარ-ყული-ხან.

აღა — რაო? ჩემი ძმა ჯაფარიც? მაშველ ჯარსა თხოულობს?

ყული-ხან — თხოულობს მხოლოდ სამი ათასს, ირანის მზეო!

აღა — მაშველ ჯარსა! რაღა მაშველი უნდა კიდევ, როდესაც ლაშქრის ნახევარი მის ბრძანებას ემორჩილება? ოცი ათასი ირანელი არ კმარა განა, სუსტი და მცირერიცხოვანი ქართველთა ჯარი გაანადგუროს? გადაეცი ჯაფარ-ხანს, რომ ლოცვის უამი ჯერ არ დამდგარა, ალაჰს ვთხოვო ჩემი სარდლისათვის მოწყალება! გასწი!

(გაღის).

თითქოს ლაშქარი იგივეა, მთავარსარდალიც, მტერიც იგივეა, უფრო სუსტი, ღონედაცლილი. მთელი დღე ბრძოლა სწარმოებს და ყოველ მხრიდან მხოლოდ ეს მესმის: მაშველი, მალქაფა ჯარი! ნუთუ დაემარცხდი? ნუთუ მომატყუა რევაზ ციციშვილმა და ისიც ერეკლეს კაცი არის? საზარელია, საზარელი! საცა ბინდი ჩამოწვება და წინ ვერ წავდგით ერთი ნაბიჯიც. ეს ხომ ბრძოლის წაგებას ნიშნავს — დიახ წაგებას! ალა-მამედ-ხან, სიზმარში ხარ, თუ რა მოგივიდა? არა, არასდროს! საბედისწერო უამი დადგა, ახლა უბრალო შემთხვევა-საც კი შეუძლიან მთლად დაღუბოს ირანის მპყრობელი და მისი ლაშქარი! ნუთუ დასრულდა შენი ცხოვრება ალა-მამედ-ხან! ნადირ-შაჰის გაზრდილმა მოგილო ბოლო.

ჯაფარ — (შემოვარდება). ძმაო, მაშველი, თორემ დავმარცხდით.

აღა — იმის მაგივრად, შენს სიცოცხლეს მევედრებოდე, ჯარს მთხოვ, ჯაფარ! გასწი, გამეცალე, ვიდრე ჯალათს დავუძახებდე. ო, ალაჰ! დიდო მაჰმადო, კაცის სიბეცევე! ალი-ყული-ხან! უბრძანე, ჩემი თურქმენები გარშემომერტყან! უბრძანე ჩემს

სარდლებს უკან დაიხიონ. უნდა დავტოვოთ თბილისი.

ჯაფარ — როგორ თუ დატოვო?

აღა — აღსრულდეს ნება ალაჰისა, რაც გვიწერია, ის არ აგვეცდება. ჯალო ჰფარავს ერეკლე მეფეს? მაშ როგორ შესძლეს ქართველებმა ჩემი დამარცხება?

ჯაფარ — რას ამბობ, ძმაო! ვინ სთქვა ჩვენი დამარცხება?

აღა — უნდა დავბრუნდე!
იქ, ჩემს ერთგულებს მივაშურო!

ჯაფარ — სად გყავს ერთგული?
ვინ გყავს ერთგული?

აღა — ჯაფარ! ნუ განმარისხებ!

ჯაფარ — ძმაო, დამშვიდდი და მომისმინე!

აღა — შენც გაგიძნელდა... შენც! შენც!

ჯაფარ — მომეცი ჯარი და ერეკლეს აქ ტყვედ მოგიყვან!

აღა — განა გიყი ვარ,
უკანასკნელი ჩემი ბურჯი ციხე-სიმაგრე,
თურქმენთ ლაშქარი,
თბილისის ბჭესთან გავანიავო?
არა! ჩვენ უნდა დავტოვოთ საქართველო!

ჯაფარ — შეუძლებელია!

აღა — ნუ მიხირდები!

ჯაფარ — შენ, ნადირ-შაჰისაგან დევნილმა, შესძელ
ამაღლებულიყავ.
და დღეს მთელი ირანი თითქმის შენს ხელშია,
საქართველოდან უკან დაბრუნდე დამარცხებული?

აღა — ჯაფარ, მოთმინებიდან ნუ გამომიყვან!
ასრულე ჩემი ბრძანება!
უნდა გავეცალოთ ამ წყეულ მიდამოებს! უთხარით
სარდლებს...

ჯაფარ — შეჩერდი, მაჰმედ!

აღა — ჯაფარ! ჯალათის გეშინოდეს!

ჯაფარ — შეჩერდი-მეთქი! მომისმინე!
დამარცხებული შენ უკან იხევ? გარბიხარ შერცხვენილი!
სად გინდა ჰპოვო თავშესაფარი?
სად მიგესვლება?
შენ, გამარჯვებულს, თავს არ გიხრიდნენ,
მაშ დამარცხებულს ვინ მიგიღებს, ან ვინ დაგინდობს?

აღა — ჯაფარ!

ჯ ა ფ ა რ — განწირული ხარ! განწირული!
 და აქ სიკვდილი გირჩევნია,
 ვიდრე ირანში მიხვიდე შენ დამარცხებული!

ა ლ ა — ჯაფარ!

ჯ ა ფ ა რ — ძმაო, დაფიქრდი!
 მზვერავებისგან გაგებული მაქვს,
 ჯარი ერეკლეს თითქმის აღარ ჰყავს,
 არც საიდანმე მაშველს მოელის.
 იგი ციხეში ჩაიკეტა ათასხუთასით!
 ამას მე მისი ბანაკიდან მატყობინებენ!
 და შენ გარბიხარ?

ა ლ ა — (თავისთვის). „მე გამარჯვებულს თავს არ მიხრიდნენ“.

ჯ ა ფ ა რ — მომეცი ჯარი!

ა ლ ა — (თავისთვის). „მაშ დამარცხებულს ვინდა მიმიღებს?“

ჯ ა ფ ა რ — თუ ერთხელ კიდევ დავკარით მაგრად,
 მეფე ერეკლეს აქ ტყვედ მოგიყვან!

ა ლ ა — ჯაფარ!

ჯ ა ფ ა რ — აპა, შუა გამკვეთე. (უჩოქებს).
 არ ავდგები, სანამ შენ დასტურს არ მაღირსებ!

ა ლ ა — დაე აღსრულდეს! (აყენებს).
 წადი, წარუძებ მაზანდარელებს!
 რამდენი გინდა?

ჯ ა ფ ა რ — სამი ათასი!

ა ლ ა — სულ შენ წაიყვან!
 შენი მფარველი იყოს ალაჰი!

ჯ ა ფ ა რ — იყოს აგრეთვე შენი მფარველიც! (გაღის).

ა ლ ა — აი, ჯაფარ, ჯაფარ! მაშ აგრე არის?
 ხალხში ამბობენ, თითქოს ტახტი შენ დამიმკვიდრე!
 როცა ირანში დავბრუნდებით, უნდა სთქვა ჩემზე,
 რომ მე გავრბოდი, შენ კი ბრძოლას ითხოვდი მტერთან?
 არა? ვერ იტყვი!
 ჩემი სისუსტე
 მარტო მე უნდა ვიცოდე და მაღლა ალაჰმა!
 საფარ!

ს ა ფ ა რ — (შემოღის). გისმენ, მბრძანებელო!

ა ლ ა — გახსოვს, სიცოცხლე შეგინარჩუნე!

ს ა ფ ა რ — შენი წყალობა ნუ მომაკლოს, ირანის მზეო!

ა ლ ა — მინდა შენ კიდევ დიდხანს იცოცხლო!

ს ა ფ ა რ — შენი ნათელი ბნელს მინათებდეს!

ა ლ ა — მაშ დაიხსომე:
 ჩემმა ძმამ გინდა გაიმარჯვოს, გინდა დამარცხდეს,
 მისი სიცოცხლე აღარ არის ჩემთვის საჭირო!
 ხომ მიხვდი, თუ რას გეუბნები?

ს ა ფ ა რ — იყოს ნება შენი, მზეო ირანისაე!

ა ლ ა — მაშ, გასწი!
 ჯაფარის ლაშქარს გაჰყევ უკან!
 თბილისს აიღებს, თუ დაიხევს,
 ამ ცნობაზე ადრე
 ჩემს ფეხთ წინაშე ჯაფარის თავი უნდა გაგორდეს.

ს ა ფ ა რ — ალაჰ, შენ იყავ ჩემი მფარველი!

იგივე თბილისის მოედანი.

(რევან ციციშვილი და ფანოზაშვილი, მათ უკან ირანელები).

რ ე ვ ა ზ ი — დამარცხდა ბებერი! სად წამივა? ჩემს ხელში არის!
 აბა ჩქარა! ტყვედ შეიპყარით!
 წყალობად ჩემგან ათასი ოქრო!
 შეუტით! (ირანელები გაღიან).

ფ ა ნ ო ზ ა შ ვ ი ლ ი — მაღლობა ღმერთს, ირანელებმა
 კარი გავიღეს, გადაგარჩინეს,
 თორემ უშენოდ ჩვენი ყოფნა არ იქნებოდა.

რ ე ვ ა ზ ი — ფანოზაშვილო, ნულარ აყოვნებ!

ფ ა ნ ო ზ ა შ ვ ი ლ ი — ოლონდ მიბრძანე და ვინ თავმკვდარი
 ცეცხლში არ ჩავდგე...
 ვაჰ, შენ გენაცვალე, რევან!

რ ე ვ ა ზ ი — წადი! ქუჩებში ყველგან იყვირე და სხვაც აყვირე:
 დამარცხდა მეფე!
 დაჰყარონ იარაღი!
 დანებდნენ ირანელებს!

ფ ა ნ ო ზ ა შ ვ ი ლ ი — მარტო ეგ არის? სულ ადვილია... (რევანა-
 აცილებს).

ჰეი, ოხრებო, უგუჟურებო!
 მეფე დამარცხდა, დაჰყარეთ იარაღი!

(შემოღის მარიამ დედოფალი, უკან მხლებელი).

მ ხ ლ ე ბ ე ლ ი — ჩქარა, დედოფალო, ჩქარა წავიდეთ!
 მ ა რ ი ა მ ი — ვაი, ასეთ დღეთა მოსწრებას!
 მ ხ ლ ე ბ ე ლ ი — აგერ, ქუჩებში ბრძოლაა ყველგან!

მ ა რ ი ა მ ი — მე უბედურმა ვეღარ მოვუსწარ!
ნუთუ დასრულდა ყოველივე?
მ ხ ლ ე ბ ე ლ ი — ცდა ყოველგვარი ამაო არის!
რ ე ვ ა ზ ი — (ბრუნდება). მარია!
მ ა რ ი ა მ ი — (გაშრა). რევაზ!
რ ე ვ ა ზ ი — ჰა! შენ ჩემო დაიკო! შენ ჩემო დედოფალო!
ეს შენ ინებე ჩემი დალუპვა?
ბებერ მეფესთან შენ დამასმინე?
მ ა რ ი ა მ ი — შე უსირცხვილო, რა პირით მხვდები?
რ ე ვ ა ზ ი — მაშ არ ელოდი ჩემთან შეხვედრას?
აღბათ, ბედს უნდა ვუმაღლოდე,
გნახე გამცემი,
ძმის გამყიდველი!
ახლა რას იტყვი?
რა პასუხს გამცემ?
მ ა რ ი ა მ ი — ვაი ჩემს მშობლებს, შენ გაგაჩინეს!
რატომ განგებამ აკვანშივე არ ამოგახრჩო!
რ ე ვ ა ზ ი — მაშინ ხომ ვეღარც გამცემლობით ისახელებდი?
მ ა რ ი ა მ ი — უგუნურო! გზა, გზა შომეცი!
რ ე ვ ა ზ ი — ახლაც ეძიე ცხრამთას იქით ბედნიერება
და „უგუნური“ შენი ძმა რევაზ ადგილს მიგიჩენს.
მ ა რ ი ა მ ი — ჩამომეცალე!
რ ე ვ ა ზ ი — რატომ არ მოვლენ, არ გიშველიან?
სად არის შენი მამამთილი?
მ ა რ ი ა მ ი — ჩემი მფარველი მაცხოვარია!
რ ე ვ ა ზ ი — ვერსად წამიხვალ, ქალბატონო, შენ ჩემი ტყვე ხარ!
მ ა რ ი ა მ ი — შენი დანახვა მეზიზღება! ჩამოდექ გზიდან!
რ ე ვ ა ზ ი — რა სამსახურიც შენ გამიწიე სისხლით ნათესავს,
ახლა ძმა შენი ერთიორად მოგიზღავს ჯილდოს
და შენს მამამთილს ვაცქერინებ შენ დამცირებას
და მაშინ ჰნახავ...
მ ა რ ი ა მ ი — შენგან ჩადენილ ბოროტ ზრახვებს
კიდევ რა გინდა დაუმატო, შე საცოდავო?
რ ე ვ ა ზ ი — ძვირფას ნობათად მივართმევ შენ თავს ირანის მნა-
თობ ქალბატონს!

მ ა რ ი ა მ ი — რევაზ, წერას აუტანხარ!
რ ე ვ ა ზ ი — გომბიო!

(გამოემართება შესაპყრობად).

მ ხ ლ ე ბ ე ლ ი — ბოროტო გველო, ხელი დედოფალს!

(დამბაჩას დაახლის).

მ ა რ ი ა მ ი — სისხლს ვარიდებდი, მაგრამ მე რა ვქნა,
ასეთი ბოლო თვითონ ისურვე!

მ ხ ლ ე ბ ე ლ ი — მიბრძანდი ჩქარა, დედოფალო! (გადიან).

(ვახტანგ ორბელიანს მოსდევნ ირანელები. ჰსურთ დროშა წაართვან. შეებრძოლებიან, ვახტანგი დროშას თეკლეს გადასცემს. თეკლე ჰკლავს ირანელს და დროშას გაიტაცებს. ვახტანგი ბრძოლით თავს ინთავისუფლებს და გარბის).

ქ ი ტ ე ლ ა — ვხოცავთ და მაინც არ ილევთან!
სანამ თქვენ მეფეს ხელს მიაწვდენდეთ,
ჯერ უნდა ჩემთან მოათავოთ, ძაღლის შვილებო!

(ესვრის).

მოხვდა! რა კარგი რამ ხარ;
ოი, შენ გენაცვალე. ნაჩუქარო ერეკლესაგან!
(კოცნის თოფს).

გ ე ლ ა — ქიტელ! მეფესთან! განსაცდელშია!
აგერ ჯარი შეტბორდა!
არაგველებმა შემოუტყის!

ქ ი ტ ე ლ ა — წყეულებს ვხოცავთ... (მოხვდა).
ბიჭოს, ერიჰა!

გ ე ლ ა — რა დაგემართა?

ქ ი ტ ე ლ ა — მგონი მომხვდა...

გ ე ლ ა — წამო, წამო!

ქ ი ტ ე ლ ა — ვეღარ, შვილო!

გელა! აჰა, ეს თოფი! ერეკლესაგან ნაჩუქარია!

ს ო ლ ო მ ო ნ ი — (შემოდის). გელა! გელა!

გ ე ლ ა — ქიტელა მოჰკლეს!

ს ო ლ ო მ ო ნ ი — ჩქარა მეფესთან! ჩქარა მარცხნივ.

გ ე ლ ა — ბატონო სოლომონ! აგერ!

(შემოდის ერეკლე, ზურაბ, ამილახვარი, იოანე, დავით, ხუდია და არაგველები).

ყ ვ ე ლ ა — მეფევ, შენს მადლსა, მეფევ, ნუ გვიხამ!

ე რ ე კ ლ ე — ო, ვერაგობა, სად გაქვს საწყისი?

ო, ავკაცობავ, სად გიძევს ბინა?

ს ო ლ ო მ ო ნ ი — შენ რომ თავს სწირავ, საქართველოს რა პასუხს აძლევ?

ე რ ე კ ლ ე — ბედო პირქუშო, ჩემს გამიზნულს

გზას თუ შენ მირევ,
 ეს იცოდე, სანამ ვცოცხლობ,
 არ დაგნებდები.

ამ ილახვარი — სადაც არა სჯობს, მეფევ, გაცლა სჯობს!
 ერეკლე — ჩემო სიონო, მშობლიურო ცაო და მიწავ,
 რაც კი შემეძლო, არ დავზოგე თქვენს დასაცავად.

იოანე — პაპავ, ძვირფასო... გაეცალე...
 ერეკლე — სირცხვილად მხოლოდ ეს მაკმარე.
 დავითი — გემუდარებით.

ერეკლე — მე ვფიცავ...
 წელზე ხმალი არ შემოვიხსნა,
 სანამ შენს საზღვრებს სამარადისო გალავანი არ შემოვავლო!

ხევისბერი — მეფევ, სამასი არაგველი მკერდით დაგიცავს,
 ჩვენ მოგვეც ნება, შენ თავს უშველე.

ერეკლე — რომ ამდენ ჩაგვრას ბოლო მოეღოს, მოეღოს ბოლო
 აყრას, ტყვეობას,
 ცეცხლსა და ჟლეტას, რასაც ხმამალა ლაღებენ ყოველ
 ნაბიჯზე

ნგრეული ციხე და კლდედრეში გამოქვაბული.

ხუდია — მეფევ სიცოცხლე შემოინახე...
 ერეკლე — დროშა წაგვართვეს, ძლიერება საქართველოსი.
 ზურაბი — შენ დაგენაცვლე, ჩემი თავი შენ შეიწირე...
 ერეკლე — ზურაბ, მოხსენ ლაშქარი და სამშვიდობოს მსწრაფლ
 გაიყვანე.

ზურაბი — (ზურაბის სიტყვებს ყველანი ამბოშენ ნაწყვეტ-ნაწყვეტად.
 ეხვეწებიან, ემუდარებიან)

ბატონო მეფევ!
 შენ რომ შეგემთხვეს რამე ხიფათი,
 ჩვენ რაღად გვინდა თავი ცოცხალი?
 უშენოდ ერთი დღეც ნუ მაცოცხლოს!
 მეფევ, გვისმინე...

ერეკლე — დავით ზარბაზნები ხევში ჩაყარე!
 ყველანი — მეფევ შენს მადლსა, შენს თავს უშველე...
 ერეკლე — ხუდია, შენიანებით მარტყოფისაყენ!
 არაგველები — მტერს ჩვენ მოვუვლით, პასუხს ჩვენ გავცემთ!
 ერეკლე — დიდი რუსეთი შეწევნას მოგვცემს, რომ აღვადგინოთ
 ჩვენი ქალაქი
 და დავუმკვიდრო ჩემს ხალხს ტანჯულს მამული და თავი-
 სუფლება.

ყველანი — ახლა გაეცალე... მიბრძანდი, მეფევ, ანანუროსკენ.
 გელა — ცხენი მზად არის.

არაგვის ახლოს სოფელ ჟინვალში,
 იკითხავ თედო გათენაშვილს — მამაჩემია!
 სოლომონი — ჩქარა, მეფევ, მტერი მოარღვევს.
 ერეკლე — ვის სურს ხსნა ჩემი, მტერია ჩემი!
 იქ უნდა მოვკვდე,
 სადაც შვილები იხოცებიან!
 გზა, გზა მომეციო!

(გაარღვევს და მიდის. არაგველების გარდა ყველანი გაჰყვებიან).

სოლომონი — გელა, მიჰყე, ძალით გაიტაცეთ, ჩვენ გზას დავი-
 ცავთ!

ხევისბერი — არაგველებო!
 ვაჟკაც ვინ არის, ახლა გამოჩნდეს!
 ვის აქვს სიმტკიცე, ახლა იუბნოს!
 მტერს შევაგებოთ ჩვენი მკერდები
 და ჩვენი სისხლით იგი ჩავახრჩოთ,
 სხვაფრივ არ დავთმოთ ერთი მტკაველიც!
 ვინც შეეწიროს დედა-სამშობლოს,
 სულით განათლდეს და უკვდავ დარჩეს.
 მშობლიურ მიწას ერთად ვემთხვიოთ
 და ზიარებად მიწა მივიღოთ!
 ეს იყოს ფიცი,
 რომ ჩვენ ერთმანეთს დავენაცვლებით
 და ჩვენს მოსისხლეს ზურგს არ ვუჩვენებთ!
 (მიწას ემთხვევიან).

დედა შეერთოს, ვინც ცოცხალი სახლში დაბრუნდეს!
 ყველანი — დედა შეერთოს!

ხევისბერი — ვინც გვიღალატოს, ბრძოლას გაეჭყეს,
 თემში კრულ იყოს!

ყველანი — თემში კრულ იყოს!

ხევისბერი — დაიხშოს მისთვის ყველგან კარები,
 პური ითხოვოს, ქვა მიაწოდონ,
 წყალი მოსწყურდეს, ასვან ბალღამი!

ყველანი — ამინ!

ხევისბერი — ძილი მოუნდეს, ეკლებზე დაწვეს!
 თემში შერისხულს, თემით მოკვეთილს,
 თავის დახრჩობის გზა ჰქონდეს მხოლოდ!

ჟ ვ ე ლ ა ნ ი — ამინ!

ხ ე ვ ი ს ბ ე რ ი — მოგკვდეთ და ზურგი მტერს არ ვუჩვენოთ!

ჟ ვ ე ლ ა ნ ი — მოგკვდეთ და ზურგი მტერს არ ვუჩვენოთ!

ვფიცავთ, ვფიცავთ, ვფიცავთ ერეკლეს!

(მოაწვება ირანელთა ჯარი, არაგველები ეკვეთებიან).

ხ ე ვ ი ს ბ ე რ ი — ჩვენი გვამებით გზა შევუკაროთ!

მოკვლევა მხუთა

თ ე დ ო — დალახვროს ღმერთმა!

თითქოს ვეშაპი შებრძოლებია წმიდა გიორგის!

რა საშინელი ავდარია, ეს სატილო?

ახლა სად არის ჩემი გელა?.. ღმერთო, გვიშველე!

შენ დაიფარე ჩემი შვილი გაჭირვებისგან.

ჩვენი ერეკლე გაამარჯვე მოძალადეზე!

(ისმის ძახილი: გათენაშვილო).

მოიცა! ვიღაც ხმაურობს გარეთ.

ჩემი სახელიც დაიძახა. მანდ რომელი ხარ?

ხ მ ა — გათენაშვილი თედო მინდა..

თ ე დ ო — ვინ ხარ?

ხ მ ა — მგზავრი ვარ!

თ ე დ ო — მგზავრი ღვთისაა... მოდი, ძმობილო!

(შემოდის ერეკლე, თედო შეხედავს, უკან იხევს).

შენ ვინ მგზავრი ხარ?

ძალიან ჰგავხარ...

რო გეტყვა ჩემთვის ერეკლე ვარო,

ამ პირჯვრის მადლმა, დავიჯერებდი.

მოდი, სტუმარო, დადლილ იქნები.

აი, კერასთან ახლო ჩამოჯექ...

ლორი მაქვს ცოტა... ცოტა არაყი...

ე რ ე კ ლ ე — ნუ სწუხდები...

მე მინდა მხოლოდ დასვენება, სხვა არაფერი...

თ ე დ ო — დადლილი სჩანხარ...

ე რ ე კ ლ ე — ძლიერ დადლილი!

თ ე დ ო — შორი გზა გქონდა?

ე რ ე კ ლ ე — არც ისე შორი...

თ ე დ ო — მაინც საიდან?

ე რ ე კ ლ ე — თბილისიდან...

თ ე დ ო — მაშ შენ ამბავი გეცოდინება... რად სდუმხარ, ძმაო?

შენი სახელი?

ე რ ე კ ლ ე — ჩემი სახელი დღეს მე თვითონ მომძულეობა!

თ ე დ ო — რა დარდი გაწევს, სახელიც რო მოგძულეხია?
არაყს მოგართმევ... აი, ინებე! ვილაპარაკოთ...

(ხონჩით მოუტანს საჭმელ-სასმელს).

თუ თბილისიდან წამოსული ხარ,
გეცოდინება ომის ამბები.

ე რ ე კ ლ ე — შენ გელას გარდა კიდევ გყავს შვილი?

თ ე დ ო — შენ გელას იცნობ?

ე რ ე კ ლ ე — ვიცნობ.

თ ე დ ო — ეხ, ჩემო ძმაო, გელას გარდა სამი სხვა მყავდა.
ორი ასპინძის ომში მომიკლეს ახალგაზრდები.

ერთი კახეთში, გაღმა ლეკებთან,
როცა ერეკლე კოხტა-ბელადს ეომებოდა!
მეც ვახლდი მაშინ ერეკლე ბატონს...
შუბლში ჭრილობა მაშინ მივიღე...
ხოლო ამ მკლავში აღრე დამჭრეს,
მაინც თბილისში რა ამბავია?

ე რ ე კ ლ ე — ხომ შეიძლება დავიძინო?

თ ე დ ო — რატომაც არა, შენი კენესამე.
ალბათ, ჩვენები გაიმარჯვებდნენ.

ე რ ე კ ლ ე — გელას ცოლ-შვილი აქ არა ცხოვრობს?

თ ე დ ო — დანიშნული მყავს, შენ შემოგეველე...
ამ თვეში ქორწილს ვუპირებდი და ომმა უსწრო!
ომს გადაიხდის, ღვთის შეწევნით, დამიბრუნდება...
მაინც ამბავი გეცოდინება...

ე რ ე კ ლ ე — ამბავი?

თ ე დ ო — დიახ, ამბავი!

ე რ ე კ ლ ე — რა უნდა ვითხრა?

თ ე დ ო — ამბავი, შე დალოცვილო!

ე რ ე კ ლ ე — ერეკლე დამარცხდა.

თ ე დ ო — რაო? მე გეკითხები ჩვენს მეფეზე -- ბაგრატიონზე.

ე რ ე კ ლ ე — ჰო, ერეკლე ქართველთა მეფე.

თ ე დ ო — თუ იცი რამე, ჩემი შვილი იმასთან არის...

ე რ ე კ ლ ე — დამარცხდა, ძმაო... მტერმა აჯობა...

თ ე დ ო — რას ამბობ, ვეყო!

(გაივლის, ჩიბუხს აბოლებს).

სადაური ხარ?

ე რ ე კ ლ ე — ქართველი!

თ ე დ ო — მერე ქართველი მაგას რად იტყვის?
არსად სწერია, რომ დამარცხდეს ერეკლე მეფე.
ამბობენ ომის ბედის წიგნში არ სწერიაო.

ე რ ე კ ლ ე — (მკაცრად). ბერიკაცო, დამარცხდა (გულჩამკვდარი)
და შერცხვენილი, გაქცეული ქოხს თავს აფარებს.

თ ე დ ო — (ხანჯალზე ხელი იტაცა). რაებს მიჰქარავ...

პატივისცემა სტუმრისა, თორემ
ახლავ სახლიდან გაგაგდებდი... ამ პირჯვრის მადლმა.
მაგნაირ ჭორებს უვრცელებენ... მოსისხლე მტრები...
არც შენ მგონიხარ მისი მოკეთე...

დამარცხდა ჩვენი მეფე ერეკლე?
სამოცი ომი გადაუხდია და ეს ამბავი კაცს არ სმენია.

ერეკლეს ზურგი არვის უნახავს,
თუ არ პირისპირ მტერს და მოყვარეს.

დამარცხდა ჩვენი მეფე ერეკლე?

მისი დამარცხება როგორ იქნება,

როცა მას ტახტად ხალხის გული აქვს.

ე რ ე კ ლ ე — მოხუცო, მეტად დაღლილი ვარ... აქ დავიძინებ...

თ ე დ ო — რაც გინდა ჰქენ, სადაც გინდა იქ დაიძინე...

(ერეკლე მიწვა ტახტზე).

ვიღაც ოხერი ყალბ ამბებს რომავს...

რად შემოვუშვი, გდებულებო ავდარში გარეთ!

ავდარი ჩადგა.

ნეტა ქვეყანა დამშვიდდებოდეს.

ღმერთო, შენ მოეც გამარჯვება მეფე ერეკლეს!

გ ე ლ ა — (შემოდის). მამი!

თ ე დ ო — შვილო, გელა!

მოდი, შვილო! მოდი გამახარე!

გ ე ლ ა — აქ უნდა კაცი მოსულიყო...

თ ე დ ო — ვიღაც ოხერი...

გ ე ლ ა — რას ამბობ, მამი!

თ ე დ ო — ვნანობ, რომ სახლში შეგვუშვი...

გ ე ლ ა — იცი, ვინ არის?

თ ე დ ო — აბა, რა ვიცი!

მიჰქარ-მოჰქარა... არ უნდა იყოს კეთილი სული...

უნდა გამეგდო გარეთ... მაგრამ.. შენ რომ გიცნობდა...

გ ე ლ ა — ეგ ერეკლეა, მამაჩემო!

თ ე დ ო — ვინ ერეკლე?

გ ე ლ ა — ერეკლე მეფე...

თ ე დ ო — (ჩიბუხი ხელიდან გაუქარდა).

ერეკლე? როგორ? ჩემს ღარიბ ქოხში?

(ერეკლეს უჩოქებს).

მაპატიე მე უბირს, უხეშს...

ისევ შენმავე ერთგულებამ ჩამადენინა...

განა არა, რომ მივამსგავსე! რას ვიფიქრებდი?

რა მოხდა, შვილო, გამაგებინე...

გ ე ლ ა — დიდი ბრძოლები გადავიხადეთ!

და ორჯერ კიდევ დამარცხდა მტერი...

და გასაქცევად ემზადებოდა,

მაგრამ ლალატი ბოლოს გაგვტყუებს...

მტერი თბილისზე, როგორც ზღვის ტალღა. გადმოიღვარა.

ჯერეთ გაძარცვეს მეფის სასახლე,

მერე ცეცხლს მისცეს მთელი თბილისი.

იმ მოედანზე, სად მარმარილოს

შადრევანია ლომთა ძეგლებით,

ამართეს ბოძი, ხალხს იქ ახრჩობდნენ!

ღვთისმსახურებს კი ხიდიდან ჰყრიდნენ!

არჩევდნენ ლამაზ დედებს და ქალებს,

მათ ბავშვებს ხმლებით შუა ჰკვეთავდნენ...

შანთებით წვავდნენ მოხუცებულებს:

„ქონება სად გაქვთ დამარხულიო“.

თ ე დ ო — ვაი უბედურთ! ვაგლახ, ასეთს დღეთა მოსწრებას!

(აცრემლებული, საყვედურით).

შენ, ღმერთო, რატომ ჩემი ლოცვა არ შეისმინე?

მე ხომ დაგპირდი შესაწირავს და კიდევ კურატს...

მტერს შენ რად მიეც გამარჯვება შენს ერთგულს ხალხზე...

ეე, ღმერთო! სამართალი არც შენ გქონია...

ხ მ ა — ოჯახიშვილო, გათენაშვილო?

თ ე დ ო — ვილაც იძახის...

გ ე ლ ა — ეს უნდა იყოს მეფის მსაჯული!

სოლომონია... (ყარებს გააღებს). მობრძანდი, სოლომონ.

ს ო ლ ო მ ო ნ ი — აქა მშვიდობა...

მეფე სად არის?

გ ე ლ ა — მეფე ისვენებს...

ს ო ლ ო მ ო ნ ი — მადლობა ღმერთს, მეფე გადარჩა!

ერეკლე სარდლებით გამოდის ეკლესიის ბჭიდან.

ე რ ე კ ლ ე — ჩვენს ხელთ რომ იყოს შეჩერება ჟამთა სრბოლისა.

ვინ განიცდიდა დამარცხების მწარე სირცხვილსა

და თავის ხალხის ყოველ კითხვას, სულისკვეთებას,

ვინ არ გასცემდა იმავ წამში ღირსეულ პასუხს?

ი ო ა ნ ე — მეფევე ბატონო, სოლომონი მართალს ბრძანებდა,

დაძრულა მთელი საქართველო!

მოდის ჯარი ყოველ კუთხიდან.

ო თ ა რ — ბატონო მეფევე, ბრძოლა გრძელდება.

მარბიელი ჯარი მთელ ქართლს შემოსევია,

ნახიჩევანის ხანი, ქერბალა, უკვე მცხეთაშია

რვა ათასი მეომრით.

მან თავისი ჯარის ნახევარი გორისკენ გამოისტუმრა,

ხოლო მეორე ნახევრით თვითონ მოემართება მთიულეთისკენ

შენს შესაპყრობად.

ე რ ე კ ლ ე — მე მაინც გეტყვით, რომ ალა-მაჰმად-ხანის გამარჯვე-

ბა უხეში და უაზრო ძალის ხანმოკლე ზეიმია, რომლის შემ-

დეგ დადგება ჟამი სასტიკი პასუხისგებისა.

ს ო ლ ო მ ო ნ ი — მეფეო, ელჩი!

ე რ ე კ ლ ე — ელჩი! ვისგან?

ს ო ლ ო მ ო ნ ი — ალა-მაჰმად-ხანისაგან!

ე რ ე კ ლ ე — აჰა! გამარჯვებული დამარცხებულთან მაინც ელჩს გზავნის?

ვერ მომატყუებს საჭურისი, ეშმაკზე ერთი დღით ადრე

დავიბადე. (შემოდის ელჩი).

ე ლ ჩ ი — ჩემის მბრძანებლის წყალობით შენი თავი ამაღლდეს,

ერეკლე-ხან, უმაღლესო ვალლი გურჯისტანისაგ!

ფრიად დიდებულს, ძლიერს ერეკლეს

ბატონი მისი მოუძღვნის სალამს.

ე რ ე კ ლ ე — გვიბრძანე, შემდეგ?

ე ლ ჩ ი — ალა-მაჰმად-ხან ფირმანს გიგზავნის. (ფირმანს გადასცემს).

ბრძენი მეფე ხარ და ხმელეთზე სახელოვანი,

არ სურს ჩემს მნათობს შენი წყენა და არც წახდენა.

იგი მზად არის, გადმოგხედოს წყალობის თვალთ,

შესწყვიტოს ომი და მხედრობით უკან დაბრუნდეს.

ე რ ე კ ლ ე — ბრძანეთ, ბრძანეთ!

ე ლ ჩ ი — უკან დაბრუნდეს მთელის ჯარით იგი მზად არის,

ოღონდ სურვილი აუსრულე, დაეხსენ რუსეთს.
და იმის ნიშნად, რომ თანახმა ბრძანდები მისი,
რომ აღიარებ მის უფლებას შენს ქვეყანაში,
ან შენ, ან ერთი შეილთაგანი უნდა მიხვიდე
მის ხელმწიფების დიდებულ კარზე.
ჩათა მიიღოთ მისი წყალობა.
ამასთანავე უნდა მიართვათ:
პატიომკინის ნაჩუქარი დიდი საათი
და ის ალმასი, შენ რომ დაგრჩა აზატ-ხანისგან!
და ამის გარდა, ჩააბაროთ შემოხიზნული ყარაბაღელი.

ერეკლე — კიდევ რას ითხოვს?

ელჩი — სულ ეს გახლავს და რას მიბრძანებთ?

ერეკლე — არც მე ვიბრძანებ და არც ბრძანების უფლება აქვს
ჩემზე შენს ბატონს.

წადი და უთხარ, არ ვაღიარებ მის უფლებას ჩემს
ქვეყანაში.

უთხარ, არ ძალგვიძს დავივიწყოთ ის წამებანი,
რაც მიგვიღია თქვენგან, თქვენის წინაპრებისგან!
არც მომავალში გესლს დაჰკარგავს ცბიერი გველი!
ამიტომ კმარა! მე ვპოვე დიდი მოკავშირე
და ამიერიდან თქვენი ხსენება მოისპობა ჩემს მიწა-წყალზე.

ელჩი — ამ ფირმანის პასუხი ნუთუ ეგ არის, უმაღლესო
ვალლი გურჯისტანისაგ!

ერეკლე — (გადაახვეს ფირმანს). დიახ, ეს არის!

ელჩი — ალაჰ! ალაჰ! (გადის).

სოლომონი — თონე ცხელია, პურს დაკვრა უნდა.

ერეკლე — არა! ამო მსხვერპლი იქნება!

ვიცი და მწამს,

რომ დღეს იქნება, თუ ხვალ იქნება
დიდი რუსეთი ხელს გამოგვიწვდის.

სოლომონი — დიახ, ეგ მესმის! მაგრამ შენს ხალხს რომ
აუკვეთო თავისუფლება, ჯერ სამაგისო
რა გვემართება?

ერეკლე — თუნდ გამარჯვება ჩვენ მოვიპოვოთ,
ეს დროებითი იქნება მხოლოდ!
კვლავ აღსდგებთან ჩვენს დასაპყრობად
და ეს როდემდის?

შერყეულია ჩემი ტახტის ძველი სიმტკიცე,
ჩემი შვილები თვით ამტვრევენ ამ ტახტის რტოებს.

ასეთს რღვევის დროს მტკიცე, სწორი გზა უნდა ვნახოთ.
და ეს გზა არის მხოლოდ რუსეთი.
და ჩვენი ხალხი თუ ოღესმე სიკეთეს ჰპოვებს,
ჰპოვებს რუსეთის საფარულქვეშ!

სოლომონი — მეფეო ჩემო, დარიალის რკინის კარს რომ ხსნი,
ვინლა ჩაქეტოს, თუ დასჭირდა ეს ქართველობას?
ცხადია, ველურ მეზობლებთან არ გვეცხოვრება,
ისიც ცხადია, თავს არ ვისპობთ განათლებულთან,
ამიტომ დღესაც საქართველო შენგან მოითხოვს:
არცა ვის ვეყმობ, არცა ვემონობ
გარეშე ღვთისა დამბადებლისა
და ვიყენებ მარად თანასწორნი თანასწორებთან.

ერეკლე — მე თვით მზარავს იმის ფიქრიც კი,
თუ ჩემს განზრახვას რა სიძნელეც წინ აღუდგება.
მაგრამ ისიც მწამს, ჩემზე უკეთ არავინ იცის
ამჟამად ჩემს ხალხს, ჩემს სამეფოს რაც მოუხდება.
ხოლო სირცხვილად... ჩვენს სირცხვილად... რუსთა წინაშე,
როს გაიგებენ, დროშა წაგვართვეს, სამეფო დროშა!..
(სარღებმა ჩაღუნეს თავები. დუმილი. გელა წინ წამოდგება,
რომელიც აქამდე შემოსავალში დარაჯად იდგა).

გელა — მეფეც ბატონო!

ერეკლე — რაო, შვილო?

გელა — ნება მიბოძე...

ერეკლე — მომიახლოვდი...

გელა — ის დროშა ვნახე...

ერეკლე — სამეფო დროშა?..

გელა — დიახ!

ხელიდან ხელში გადადიოდა...

გააფთრებული მტერი იმ დროშას ზედ აკვდებოდა...

უცბად გამოჩნდა საიდანღაც დასტა მებრძოლთა...

ვიღაც ჭაბუკი მეთაურობდა...

იმას თან ახლდა კიდევ ერთი ყრმა...

ორთავ გააპეს და იმ დროშას მკაცრად ეკვეთნენ...

ერეკლე — მერე?

გელა — ცხენთა ტორისგან მტვერი ღვებოდა...

დაჭრილი დაჭრილს ყელში სწვდებოდა...

უწიეს დროშას... მტერს გამოსტაცეს...

ერეკლე — მერე?

გელა — ბოლოს ისინი მტვერმა და ბულმა

სრულად დაჰფარა — შემდეგ, არ ვიცი...
ერეკლე — ღმერთო მაღალო! შენ ჰფარვიდე...
ყველანი — ღმერთო, ჰფარვიდე!
სოლომონი — ცოცხალი გვყავდეს მეფე ერეკლე,
ღროშაც, დიდებაც დაგვიბრუნდება!
გელა — (რომელიც გადაღმა იქირებოდა). ბატონო სოლომონ! აგერ!
სოლომონი — მეფევე ბატონო! სამეფო ღროშა!

(შემოდიან ვახტანგ და თეკლე).

სარდლები — ჩვენი ღროშა! სამეფო ღროშა!
ვახტანგი — დღეგრძელი იყოს მეფე ერეკლე!
ერეკლე — (ღროშას გულში ჩაიკრავს). ღროშავ, ნაკურთხო მრავალ-
ჯერ სისხლით,

შენ მთლიანობის ჩვენო იმედო.
ჩემს გამარჯვებას შენ წინ უძღოდი,
მომავალშიაც წინ გაგვიძღვები.
მითხარ, ჭაბუკო, რა ჯილდო მოგცე!

ვახტანგი — ჯილდოს არა გთხოვ, დიდო მეფეო,
პირობა მომეც, ერთი ურჩი წარმოგიდგინო,
რომელს თან ახლავს აჩქარება, მოუთმენლობა,
მაგრამ ვინც იყო ჩემთან ერთად ჭირსა და ლხინში
და ეს ღროშაც დამახსნევინა!
მას შეიწყალებ და საიდუმლოს შენახვისათვის
მეც მაპატიებ! (უჩოქებს).

ერეკლე — ახალგაზრდობა ასაკია სახარბიელო
და არცა ვინმე ასამართლებს გამარჯვებულებს!
მოიყვა, შვილო, ვინ არის იგი?

(თეკლეს წარმოადგენს).

ყველანი — თეკლე! თეკლე?
თეკლე — მამავ! მამავ! (ჩაეკრა).
ერეკლე — მაშ ეს შენ ხარ,
ჩემო გიჟო, შენ თეკლა-ბიჭო,
ჩემო გოგონავ!?
კხედავ, შვილო, ფრთები შეგსხმია!
უღლის გამწევიც მოგინახავს, დამილოცნიხარო.

თედო — (შემოდის). მეფე ერეკლეს დღეგრძელობა ბრძანოს გამ-
ჩენმა!

რუსის ოფიცრებს სურთ თქვენი ნახვა!

ერეკლე — რუსის ოფიცრებს? სთხოვე, სოლომონ!

(გაღიან. მცირე ხნის შემდეგ შემოდიან სოლომონი და რუსის ელჩი).

ნუთუ მე გული რასაც მიგრძნობს, იგი აღსრულდეს?
არა, არა ვარ მთლად განწირული!

სოლომონი — (აღტაცებული). აღსრულდა! მეფევე, აღსრულდა!
(ოფიცერს ერეკლეს წარუდგენს).

აი, ერეკლე! მეფე სრულიად საქართველოს...

ოფიცერი — ნება მიბოძეთ, თქვენო უდიდებულესობავ,
ვიძღვნათ სალაში ჩემი ხელმწიფე იმპერატრიცის...

ერეკლე — მოხარული ვარ...

რაოდენადაც შეუძლიან დღეს ჩემს დაჭრილ გულს.

ოფიცერი — უკვე გავიგე ყველაფერი და ვწუხვარ დიდად!
ჩემმა ხელმწიფემ-იმპერატრიცამ მე მომავლინა
თქვენთან სასწრაფოდ, რათა გაუწყოთ:

რუსის ლაშქარი დარიალის კედლებს მოადგა
მოსაშველებლად... ზარბაზნებით... კავალერიით.
ჩემი მთავრობა ომს უცხადებს ალა-მაჰმად-ხანს.
შარაგზის ყაჩაღს არ შეარჩენს ძალმომრეობას!
აი, ინებე უმაღლესი თქვენთან მომართვაც.

ერეკლე — ბედნიერებით, სიხარულით, აღსავსე გულით
მადლობას ვუძღვნი დიდი რუსეთის იმპერატრიცას.

ჩემო შვილებო! ჩემო სარდლებო!

მე გაყოვნებდით, ახლა კი ხმალი!

დავით! წარუძახე!

გატეხილ ხიდთან სამი ათასი!

ერთი მთხრობელიც აღარ გაუშვათ!

შვილებო!

გზა ჩვენ, ქართველებს, გაკვლეულ გვექონდა,

რომ დავხწეოდით ძალმომრეობას,

მშვიდად გვეცხოვრა ერთმორწმუნესთან.

მტერმა დაგვასწრო! სურდა მახვილით

მას ჩაეშალნა ჩვენი წადილი,

ჩაეკლა ჩვენი დიდი მიზანი:

რუსს-ქართველების წმინდა კავშირი!

მაგრამ ცდა მისი ამოდო დარჩა!

ძველის ხალისით და სიხარულით

მოხუცის გული წინ გაგიძღვებათ!

და, თუ სიკვდილი სწერია ჩემი,

მოკვდე პირველი!

ყველანი — ან გამარჯვება და ან სიკვდილი!

(მხედრული სიმღერა. ერეკლეს თან მისდევს რუსის ელჩი).

დასასრული